

四庫全書

子部

欽定四庫全書

子部

冊府元龜卷七百四十七  
九

詳校官中書臣吳瓌

侍讀臣孫球覆勘

總校官庶吉士臣何思鈞

校對官主簿臣汪日贊

謄錄監生臣張鴻仁

欽定四庫全書

冊府元龜卷七百四十七

宋王欽若等撰

陪臣部

失禮

奢僭

專恣

失禮

夫禮者所以章疑別微以為民防者也若乃當春秋之世居大夫之列亡君臣之禮違朝著之位玉幣相聘失行人之辭樽俎交歡愆為賓之序乃至紛亂祀典顛越

彘制存諸赴告厥用垂誠

公子友為魯大夫莊公二十七年秋公子友如陳葬原

仲非禮也原仲季友之舊也

原仲陳大夫季友  
違禮會外大夫莖

先軫為晉大夫魯僖公三十二年晉敗秦師獲孟明西

乞白乙文嬴請而釋之先軫朝問秦囚公曰夫人請之

吾舍之矣先軫怒曰武夫力而拘諸原婦人暫而免諸

國

暫猶  
卒也

墮軍實而長寇讐亡無日矣

墮毀  
也

不顧而唾

臧文仲為魯大夫孔子曰臧文仲安知禮夏父弗綦逆

祀而弗止也燔柴於奧

文仲魯公子彊之曾孫辰也莊文之間為大夫於時為賢是以

非之不正禮也文二年八月丁卯有事於太廟躋僖公始逆祀是夏父弗綦為宗人之為也奧當為燹字之誤

也或作竈祀尸卒食而祭饌燹饗燹也時人以為祭大神乃燔柴

夫奧者老婦之祭盛

於盆尊於甑

老婦先炊者也尊甑炊器也明此祭先炊非祭大神燔柴似失之

禮也者

猶體也

若人身體

體不備君子謂之不成人設之不當猶不

備也

卻克晉大夫獻子也魯成公二年靡笄之役卻獻子伐

齊齊侯來

靡笄之役故服而朝晉也

獻之以得隕命之禮

獻致享也獻邊豆之

數征伐所獲國君之獻禮也。以得言不得也。伐國獲君若秦獲晉惠晏為隕命。今齊雖敗頃公不見得。非隕命也。故苗棼皇以卻克不知禮。司馬法曰：其有隕命行禮如會所爭義不爭利也。曰寡君使克也。

不腆敝邑之禮為君之辱。敢歸諸下。執政以整御人。歸履。

也。執政執事整願也。御人婦人願以此報君御人笑也。曰卻子勇而不知禮。矜其

伐而恥國君其與幾何。言將不終命。

卻犇為晉大夫。魯成公十四年春。晉侯使犇于衛。衛侯饗

苦成叔。成叔。卻犇。甯惠子相。相佐禮。惠子甯殖。苦成叔傲甯子曰苦

成家其亡乎。古之為享食也。以觀威儀。省禍福也。故詩

曰兕觥其觶旨酒思柔

周小雅言君子好禮飲酒皆思柔德雖兕觥然不用以兕角

為觶所以罰不敬觶陳設之貌

彼交匪傲萬福來求

彼之交於事而不情傲乃萬福之所

求今夫子傲取禍之道也

孫林父衛大夫文子也魯襄公七年文子來聘公登亦

登

禮登階臣後君一等

叔孫穆子相趨進曰諸侯之會寡君未嘗

後衛君

敵體並登

今吾子不後寡君寡君未知所過吾子其

少安

安得也

孫子無辭亦無悛容

悛改也

高厚為齊大夫魯襄公十年春諸侯會吳于相三月癸

丑齊高厚相太子光以先會諸侯于鍾離不敬

吳子未至光從

東道與東諸侯會過非本期地故不書會高厚高固子也癸丑月二十六日

士莊子

晉大夫

曰

高子相太子以會諸侯將社稷是衛而皆不敬

厚與光俱不敬

棄社稷也其將不免乎

十九年齊殺高厚二十五年殺其君光

伯有為鄭大夫魯襄公二十七年鄭伯享趙孟于垂隴

伯有賦鶉之賁賁

鶉之賁賁詩邠衛人刺其君淫亂鶉鶉之不若義取人之無良我以為凡

我以為君也

趙孟曰牀第之言不踰閭况在野乎非使人之

所得聞也

第簣也此詩刺淫亂故云牀第之言閭門限使人趙孟自謂



慶封為齊大夫魯襄公二十七年春齊使慶封來聘叔

孫與慶封食不敬為賦相鼠亦不知也

相鼠詩廊風曰相鼠有皮人而

無儀人而無儀不死何為慶封不知此詩為已言其間甚

二十八年慶封來奔叔孫

穆子食慶封慶封汜祭

禮食有祭示有所先也汜祭遠散所祭不共

穆子不

說使工為之誦茅鷓

工樂師茅鷓逸詩刺不敬

亦不知既而齊人來

讓

讓魯受慶封

慶封奔吳

孟僖子為魯大夫昭公七年二月公如楚鄭伯勞于師

之梁

鄭城門

孟僖子為介不能相儀

僖子仲孫纁

及楚不能答

郊勞

孔張為鄭大夫魯昭公十六年三月晉韓起聘于鄭鄭伯享之子產戒曰苟有位於朝無有不共恪孔張後至

立於客間

孔張子孫

執政禦之

執政掌位列者禦止也

適客後又禦

之適縣間

縣樂肆

客從而笑之

涉佗成何皆晉大夫也魯定公八年晉師將盟衛侯於

剽澤趙簡子曰羣臣誰敢盟衛君者

前年衛叛晉屬齊簡子意欲推辱之

涉佗成何曰我能盟之衛人請執牛耳

盟禮尊者涖牛耳主次盟者衛

侯與晉大夫盟自以當泣牛耳故請之成何曰衛吾溫原也焉得視諸侯

言衛小比縣人將軟涉佗拔衛侯之手及腕拔擠也血至腕衛

侯怒王孫賈趨進賈衛大夫曰盟以信禮也信猶明也有如衛君

其敢不唯禮是事而受此盟也衛侯乃叛晉晉人請改

盟弗許十年晉人討衛之叛故曰繇涉佗成何拔衛侯手故

於是執涉佗成何奔燕君子曰此之謂棄禮必不鈞言必

見殺不得與人等詩曰人而無禮胡不遄死佗亦遄矣哉詩廊風遄

也

蕢尚為魯大夫哀公使人吊蕢尚遇諸道辟於路畫宮

而受吊焉

哀公魯君也畫宮畫地為宮

曾子曰蕢尚不如杞梁之妻

之知禮也

行吊禮于野非齊莊公襲奪于莒杞梁死馬其妻迎其柩于路而哭之哀莊公使人吊之

對曰君之臣不免於罪則將肆諸市朝而妻受執君之臣免於罪則有先人之敝廬在君無所辱命

渾良夫為衛大夫衛侯為虎幄於籍圃

於籍田之圃新造幄幕皆以虎

獸飾成求令名者與之始食焉太子請使良夫

以良夫應為令

名良夫乘衷甸兩牡

衷甸一轅卿車

紫衣狐裘

紫衣君服

至袒裘不

釋劔而食

食而熟故袒亦不敬

偏太子使牽以退數之以三罪而

殺之

三罪紫衣  
袒裘帶劍

奢僭

傷民力而干邦憲者其奢僭之謂乎故古者聖賢之所  
譏切著在方策昭昭可見矣當周室微弱諸侯為政乃  
有家陪之列因緣逞欲怙寵崇侈卑上長傲驕佚以自  
滿晏安而無懼斯乃犯義侵禮招損取禍之道也已

管仲字夷吾為齊相富擬於公室孔子曰管仲鏤簋朱

紘山節藻梲君子以為濫矣

濫亦盜竊也鏤蓋謂刻而  
飾之大夫刻為龜耳諸侯

飾以象天子飾以玉朱紘天子冕之紘也諸侯為組紘大夫士當緇組紘纁纁邊栢謂之節梁上楹謂之栢宮室之飾士苜本大夫達按諸侯斷而斲又曰管仲之器小

哉言其器或曰管仲儉乎或以器謂之大儉曰管氏有量小也

三歸官事不攝焉得儉三歸取三姓女婦人謂嫁曰歸攝猶兼也禮國君事大官各有

人大夫兼井今管仲家臣備職非為儉然則管仲知禮乎或以人問故答以安得儉或

人問不儉使謂為得禮曰邦君樹塞門管氏亦樹塞門邦君為兩

君之好有反玷管氏亦有反玷反玷反爵之玷在兩楹之間人君別內外於門

樹屏以蔽之若與隣國為好會其獻酢之禮更酌異管則各反爵於玷上今管仲皆借為之如是是不知禮管

氏而知禮孰不知禮

子臧鄭子華弟也曾僖公二十四年出奔宋好聚鷓冠

鷓鳥名聚鷓羽以爲冠非法之服

鄭伯聞而惡之

惡其服非法

使盜誘之八

月殺之于陳宋之間君子曰服之不衷身之災也

衷猶適也

詩曰彼已之子不稱其服

詩曹風刺小人在位言彼人之德不稱其服

子臧

之服不稱也夫詩曰自詒伊戚其子臧之謂矣

詩小雅詒遺也

戚憂也取其自遺憂夏書曰地平天成稱也

后子秦桓公子景公母弟鍼也有寵於桓如二君於景

其權寵如兩君其母曰弗去懼選選數也恐景公鉞適晉其車

千乘言其富也后子享晉侯為晉侯設享禮造舟于河造舟為梁通秦晉之道

十里舍車一舍八乘為八反之備自雍及絳雍絳相去千里用車八百乘歸取

酬幣備九獻之義始禮自舉其終事八反舟十里以八

載幣相授而還不徑至故言八反千里用車八百乘其二百乘以自隨故言千乘傳言秦鉞之出極奢富以成

禮欲盡敬於所赴

仲孫叔孫季孫皆魯大夫也謂之三桓皆桓公後禮運云諸

侯不敢祖天子大夫不敢祖諸侯而公廟之設於私家



非禮也繇三桓始也

公廟魯以周公之故立  
天王廟三家見而僭焉

又大夫而

饗君非禮也

其享君由  
強且富也

大夫強而君殺之義也繇三桓

始也又季孫有喪孔子往吊入門而左從容也主人以

與璫收

喪季平子意如之喪桓子斯在喪孔子吊之入  
門而左行故曰從容位也主人以與璫收收歛

也孔子徑庭而趨歷級而上堂曰以寶玉收譬之猶暴

骸中原也

璫璫君佩玉也昭公在外平子行君事入宗  
廟佩璫故欲用之孔子以為平子逐昭公

出之其行急不當以玉斂而反用之肆行非  
度人又利之必先發掘故曰由暴骸中原也徑庭歷級

非禮也雖然以救過也

孔子曰拜下禮也今拜乎上泰  
也雖違衆吾從下吾不欲違禮

亦不足人之死古之人非無寶也其所寶者異也又季

氏八佾舞於庭孔子謂是可忍也孰不可忍也孰誰也佾列也

天子八佾諸侯六卿大夫四士二八人為列八八六十

其家廟舞之三家者以雍徹三家謂仲孫叔孫季孫雍

宗廟歌之以徹祭孔子曰相維辟公天子穆穆奚取於

三家之堂辟公謂諸侯及二王之後穆穆天子之容貌

也今三家但家臣而已何取此義而作之于堂耶

臧文仲魯大夫也居蔡臧孫辰也文謚也蔡國君之守

二寸居蔡借也

山節藻梲

包曰節者柄也刻鏤為山梲者梁上楹畫為藻文言其奢侈

孔子

曰何如其知也

孔子非時人謂之為也

趙文子晉大夫也大夫之奏肆夏也繇趙文子始也

借諸

侯趙文子名武

慶封齊大夫也魯襄公二十七年來聘其車美孟孫謂

叔孫曰慶季之車不亦美乎

季慶封字

叔孫曰豹聞之服美

不稱必以惡終美車何為

駟秦鄭大夫也富而侈嬖大夫也而嘗陳卿之車服於

其庭鄭人惡而殺之子思曰詩曰不解於位民之攸暨

子思子產子國三也詩大雅攸所也暨息也

不守其位而能久者鮮矣商頌

曰不僭不濫不敢怠皇命以多福

僭差也濫濫也皇暇也言駟秦違詩商頌

故受殺

穰侯魏冉者秦昭王母宣太后弟也冉相秦六歲而免

二歲復相秦四歲而使白起拔楚之郢秦置南郡乃封

白起為武安君白起者穰侯之所任舉也相善於是穰

侯之富富於王室及免相國就封邑出關輜車千乘有

餘

黃歇楚春申君也考烈王立楚復強趙平原君使人於春申君春申君舍之於上舍趙使欲夸楚為瑇瑁簪刀劍室以珠玉飾之請命春申君客春申君客三十餘人其上客皆躡珠履以見趙使趙使大慙

專恣

昔周道衰微祿去公室諸侯以之擅命陪臣由是專恣行私惠以收民心用宗黨以參邦政峻殺戮以圖畏已

濫爵賞以務悅人動靡顧於典刑言但肆於威福其甚者取美積受饋錦外交鄰邦內易先嗣徒俾忠臣覩之而扼腕賢者覽之以寒心故先聖曰陪臣執國命三世希不失矣蓋欲使姦臣賊子聞之而懼焉又曰惟名與器不可以假人此誠百王之攸戒也

公子豫魯大夫也隱公元年十月鄭人以王師虢師伐

衛南鄙

虢西虢國也弘農陝縣東南有虢城

請師於邾邾子使私於公子

豫

私請

豫請往公弗許遂行及邾人鄭人盟于翼

翼邾地

祭仲鄭大夫也魯桓公十五年春祭仲專鄭伯患之使

其壻雍糾殺之將享諸郊雍姬知之謂其母曰父與夫

孰親其母曰人盡夫也父一而已胡可比也婦人在室則天父出

則天夫女以為疑故母以所生為本解之遂告祭仲曰雍氏舍其室而將享

子於郊吾惑之以告祭仲殺雍糾尸諸周氏之汪汪池也周

氏鄭大夫殺而暴其尸以示戮也公載以出恐見其尸故載其尸共出國曰謀及婦

人宜其死也

公子溺魯大夫莊公三年正月溺會齊師伐衛疾其專命而行

之故伐

公子元楚文王弟也魯莊公三十年夏歸自伐鄭而處

王宮

欲遂盍文夫人

闕射師諫則執而梏之

射師闕廉也足

秋

申公闕班殺子元

申楚縣也楚僭號縣尹皆稱公

魏犇晉大夫也魯僖公二十八年晉文公入曹令無入

僖負羈之宮而免其族報施也魏犇顛頡怒曰勞之不

圖報於何有藝僖負羈氏

公子商人齊桓公子也魯文公十四年公子商人驟施



於國驟數也而多聚士盡其家貸於公有司以繼之家財盡從

公及國之有司富者貸

趙盾晉正卿任國政二年而襄公卒太子夷皋年少盾以國多難欲立襄公弟雍雍時在秦使迎之太子母日夜啼泣頓首謂盾曰先君何罪釋其適子而更求君趙盾患之恐其宗與大夫襲誅之迺遂立太子是為靈公發兵距所迎襄公弟於秦者靈公既立趙盾並專國政田襄子齊大夫既相齊宣公三年晉殺知伯宣公之三年時也

分其地襄子使其兄弟宗人蓋為齊都邑大夫與三晉  
通使曰以其齊國

先穀晉大夫也魯宣公十二年楚子圍鄭晉師救鄭及

河聞鄭與楚平荀林父欲還羸子曰不可

羸子先穀

晉所以

霸師武臣力也今失諸侯不可謂力有敵而不從不可

謂武由我失霸不如死且成師以出聞敵強而退非夫

也

非丈夫

命為軍帥而卒以非夫唯羣子能之我弗為也

以中軍佐濟

佐羸子所帥也濟渡河

臧宣叔魯大夫也宣公十八年公孫歸父以襄仲之立

公也有寵

歸父襄仲子

欲去三桓以張公室

時三桓強公室弱故欲去之以

張大公室與公謀而聘于晉欲以晉人去之冬公薨季文子

言於朝曰使我殺適立庶以失大援者仲也夫

適謂子惡齊外

甥襄仲殺之而立宣公南通於楚既不固又不能堅事齊晉故云失大援也

臧宣叔怒曰當

其時不能治也後之人何罪子欲去之許請去之

宣叔文仲

子武仲父許其名也時為司寇主行刑言子自以歸父害已欲去者許請為子去之遂逐東門氏

襄仲居東門故曰東門氏

季文子魯大夫襄公二年齊姜薨初穆姜使擇美櫝櫝梓

屬之以自為櫝與頌琴  
言雅琴皆欲以送終  
文子取以葬

齊姜君子曰非禮也禮無所逆婦養姑者也虧姑以成

婦逆莫大焉穆姜成公母齊姜成公婦也

季武子為魯上卿襄公十一年春將作三軍魯本無中軍惟上下

軍皆屬于公有事三卿更帥以征伐季氏欲專其民人故假立中軍因以改作  
告叔孫穆子曰

請為三軍各征其軍征賦稅也三家各征其軍之家屬  
穆子曰政將及

子子必不能政者霸國之政令禮大國三軍魯次國而為大國之制貢賦必重故憂不能也  
武

子固請之穆子曰然則盟諸穆子知季氏將復變易故盟之乃盟諸僖

閔僖宮之門詛諸五父之衢五父衢道名在魯國東南以禍福之言相要正月作

三軍三分公室而各有其一三分國民衆三子各毀其乘壞其

軍乘分以足成三軍十二年春王三月莒人伐我東鄙圍郕蓋攻守之

害深故以危錄其月季孫宿帥師救郕遂入郕宿武子名郕莒邑遂繼事

也受命而入郕惡季孫宿也二十九年公如楚還及方

城季武子取卞取卞邑以自益使公治問問公起居公治李氏屬大夫璽書

追而與之璽印也曰聞守卞者將叛臣帥徒以討之既得

之矣敢告公治致使而退

致命李氏

及舍而後聞取卞

發書

乃聞之

公曰欲之而言叛祇見疏也

言李氏欲得卞而欺我言叛益疏我

公

謂公治曰吾可以入手

以季氏疏已故不敢入

對曰君實有國誰

敢違君公與公治冕服

以卿服玄冕賞之

固辭強之而後受公

欲無入榮成伯賦式微乃歸

式微詩邶風曰式微式微胡不歸式用也義取寄寓

之微陋勸公歸

五月公至自楚公治還其邑於季氏

本從季氏得邑故還

之而終不入焉

不入季孫家

曰欺其君何必使余季孫見之

則言季氏如他日不見則終不言季氏及疾聚其臣夫

大夫

家曰我死必無以冕服斂非德賞也言公畏季氏而賞其使非以我有德

且無使季氏葬我趙簡子問史墨史墨晉史蔡墨曰季氏亡乎

史墨對曰不亡季友有大功於魯受鄭為上卿至於文

子武子世增其業文公卒東門遂東門遂襄仲也居東門故稱東門遂殺

適立庶魯君於是失國政政在季氏於今四君矣民不

知君何以得國是以為君慎器與名不可以假人器車服名爵號

崔杼齊大夫魯襄公十九年崔杼殺高厚於灑藍而兼

其室灑藍齊地書曰齊殺其大夫從君於昏也又魯襄公二

十五年晉侯使魏舒宛沒逆衛侯

衛獻公以十四年奔齊

將使衛

與之夷儀崔子止其孥以求五鹿

崔杼欲得衛之五鹿故留衛侯妻子于齊

以質之

子孔鄭大夫魯襄公十九年鄭子孔之為政也專專國

人患之乃討西宮之難

十年尉止等作難西宮子孔知而不言

與純門之

師

前年子孔召楚師至純門

子孔當罪以其甲及子革子良氏之甲

守

以自守也

甲辰子辰子西率國人伐之殺子孔而分其室

書曰鄭殺其大夫專也

亦以國討為文

子然子孔宋子之子也



子然子  
草父

士子孔圭媯之子也

宋子圭媯皆鄭穆公圭  
妻士子孔子良父

媯之班亞宋子而相親也

亞次子

士子孔亦相親也僖

之四年子然卒

鄭僖四年  
魯襄六年

簡之元年士子孔卒

魯襄八年

司徒孔實相子革子良之室

司徒孔實與二父  
相親故相助其子

三室如

一言同

故及於難

故二子  
并及難

子革子良出奔楚子革為右

尹

子革即  
鄭丹

鄭人使子展當國子西聽政立子產為卿

猶幼故大  
夫當國

范宣子晉大夫初欒桓子娶於范宣子生懷子

桓子欒  
獻懷子

也盈范鞅以其亡也怨欒氏

十四年欒廩強逐范鞅使奔秦

故與欒盈為

公族大夫而不相能桓子卒欒祁與其老州賓通

欒祁桓子

妻范宣子女盈之母也范氏堯後祁姓

幾亡室矣

言亂甚

懷子患之祁懼其

討也愬諸宣子曰盈將為亂以范氏為死桓主而專政

矣

桓主欒廩

曰吾父逐鞅也不怒而以寵報之

謂宣子不為廩責怒鞅而

反與鞅寵位

又與吾同官而專之

同為公族大夫而專其權勢

吾父死而

益富死吾父而專於國有死而已吾後從之矣

言宣子專政盈

欲以死作難

其謀如是懼害於主吾不敢不言范鞅為之徵

證其有此懷子好施士多歸之宣子畏其多士也信之懷子

為下卿

下軍佐

宣子使城著而遂逐之

著晉邑在外易逐

曾襄公

二十一年秋欒盈出奔楚宣子殺箕遺黃淵嘉父司空

靖邴豫董叔邴師申書羊舌虎叔羆

皆晉大夫欒盈之黨羊舌虎叔向弟

囚伯華叔向籍偃

籍偃上軍司馬

司城子罕相宋謂宋君曰夫國家之安危百姓之治亂在君之行夫爵祿賞賜人之所好也君自行之殺戮刑罰民之所惡也臣請當之君曰善寡人當其美子受其

惡寡人自知不為諸侯笑矣國人知殺戮之刑專在子罕也大臣親之百姓畏之君不至昏年子罕遂去宋君而專其政

左師宋大夫魯襄公二十六年秋宋公殺其世子痤初

左師見夫人之步馬者步馬習馬問之對曰君夫人氏也左

師曰誰為君夫人余胡弗知園人歸以告夫人夫人使

饋之錦與馬先之以玉以玉為錦馬之先曰君之妾棄使某獻

左師改命曰君夫人而後再拜稽首受之左師令使者改命也傳言

宋公闞左師諛太子所以無罪而死

費無極楚大夫也魯昭公二十七年吳子欲因楚喪而

伐之前年楚平王卒楚左尹卻宛工尹壽帥師至于潛吳師不

能退及聞吳亂而還卻宛直而和國人說之以直事君以和接類

鄢將師為右領右領官名與費無極比而惡之惡卻宛令尹子

常賄而信讒無極譖卻宛焉謂子常曰子惡欲飲子酒

子惡卻宛又謂子惡令尹欲飲酒於子氏子惡曰我賤人也

不足以辱令尹令尹將必來辱為惠已甚吾無以酬之

若何

缺 酬報

無極曰令尹好甲兵子出之吾擇焉

擇取以進子

取五甲五兵曰寘諸門令尹至必觀之而從以酬之

曰無

極

辭及饗日惟諸門左

張惟陳甲兵其中

無極謂令尹曰吾幾禍

子子惡將為子不利甲在門矣子必無往且此役也

此春

救潛之役吾可以得志子惡取賂焉而還又誤羣帥使退其

師曰乘亂不祥吳乘我喪我乘其亂不亦可乎令尹使

視卻氏則有甲焉不往召馭將師而告之

告子惡門有甲兵將害已

將師退遂令攻卻氏且藝之

也 藝燒

子惡聞之遂自殺也

國人弗執令曰不執卻氏與之同罪或取一編管焉或

取一秉杆焉

編管苦也秉把杆榮也

國人投之遂弗執也令尹炮

之

炮燔卻宛

盡滅卻氏之族黨殺陽令終與其弟完及佗

終令

陽句

與晉陳及其子弟

晉陳楚大夫皆卻氏黨

晉陳之族呼於國

曰馮氏費氏自以為王專禍楚國弱寡王室蒙主與令

尹以自利也

蒙欺也

令尹盡信之矣國將如何令尹病之

進胙者莫不謗令尹

進胙國中祭祀也謗誣也

沈尹戌言於子常曰

夫左尹與中廐尹莫知其罪而子殺之以興謗讟至于

今不已

左尹卻宛也中廐尹陽令終

成也感之仁者殺人以掩謗猶

弗為也今吾子殺人以興謗而弗圖不亦異乎夫無極

楚之讒人也民莫不知去朝吳

在十五年

出蔡侯朱

在二十一年

喪太子建殺連尹奢

在二十年

屏王之耳目使不聰明不然

平王之温惠其儉有過成莊無不及焉所以不獲諸侯

邇無極也

也

邇近今又殺三不辜以興大謗

三不辜卻氏陽氏晉陳氏

幾及子矣子而不圖將焉用之夫馭將師矯子之命

以滅三族國之良也而不愆位

在位無愆過

吾新有君

光新立也



疆場日駭楚國若有大事子其危哉知者除讒以自安也今子愛讒以自危也甚矣其惑也子常曰是尾之罪敢不良圖九月己未子常殺費無極與鄢將師盡滅其族以說於國謗言乃止

魏舒晉大夫也魯定公元年春王正月辛巳魏舒合諸

侯之大夫于狄泉將以城成周魏子蒞政

蒞臨也代天子大夫為政

衛彪傒

衛大夫

曰將建天子

立天子之居

而易位以令非義也

大事奸義必有大咎晉不失諸侯魏子其不免乎是行

也魏獻子屬役於韓簡子及原壽過

簡子韓起孫不信也原壽過周大夫

而田於大陸焚焉

禹貢大陸在鉅鹿此地絕遠疑此田在汲郡吳澤荒蕪之地火田并見燒

也爾雅廣平曰陸

還卒於寧

寧今修武縣近吳澤

范獻子去其柏椁以其

未復命而田焉

范獻子代魏子為政去其柏椁示貶之

陽虎魯季氏家臣也定公五年六月季平子行東墅

季氏邑

還未至丙申卒于房陽虎將以與璠斂

璠璠美玉君所佩

仲梁懷弗與

懷亦季氏家臣

曰改步改玉

昭公之出季孫行君事佩與璠祭宗廟今

定公立復臣位改君步亦當去與璠

陽虎欲逐之告公山不狃不狃曰彼

為君也子何怨焉

不狃季氏臣費宰子洩也為君不欲使借

九月乙亥陽虎

囚季桓子公父文伯

文伯季桓子從父昆弟也陽虎欲為亂恐二子不從故囚之

而

逐仲梁懷冬十月丁亥殺公何藐

藐季氏族

己丑盟桓子于

稷門之內

魯南城門

庚寅大誚逐公父歆及秦遄皆奔齊

歆即

文伯也秦遄平子姑壻也傳言季氏之亂

七年秋齊國夏伐我

齊叛晉故

陽虎御

季桓子公斂處父御孟懿子

處父孟氏臣成宰公斂陽

將宵軍齊師

齊師聞之墮伏而待之

墮毀其軍以誘敵而設伏兵

處父曰虎不圖

禍而必死也

而女

苦夷曰虎陷二子於難

苦夷季氏家臣二子季孟

不

待有司余必殺女虎懼乃還不敗

傳言陪臣強能自相以制季孟不敢有心

田釐子乞事齊景公為大夫其收賦稅於民以小斗受之其粟予民以大斗行陰德於民而景公弗禁繇此田氏得齊衆心宗族益強民思田氏晏子數諫景公景公弗聽已而使於晉與叔向私語曰齊國之政其卒歸于田氏矣晏嬰卒後范仲行氏反晉晉攻之急范仲行請粟於齊田乞欲為亂樹黨於諸侯乃說景公曰范仲行數有德於齊齊不可不救齊使田乞救之而輸之粟景

公太子死後有寵姬曰芮生子荼一作粥子景公病命其相

國惠子與高昭子以子荼為太子景公卒兩相高國立

荼是為安孺子而田乞不說欲立景公阼子陽生陽生

素與乞歡安孺子之立也陽生奔魯田乞偽事高昭子

國惠子者每朝代參乘言曰始諸大夫不欲立孺子既

立君相之大夫皆自危欲作亂又給大夫曰高昭子可

畏也及未發先之諸大夫從之田乞鮑牧與大夫以兵

入公室攻高昭子昭子聞之與國惠子救公公師敗田

乞之衆追國惠子惠子奔莒遂返殺高昭子安孺子奔魯田乞使人之魯迎陽生陽生至齊匿田乞家田乞請大夫曰常之母有魚菽之祭幸而來會飲會飲田氏田乞盛陽生橐中置座中央發橐出陽生曰此乃齊君矣大夫皆伏謁將盟立之鮑牧醉田乞誣曰吾與鮑牧謀共立陽生也鮑牧怒曰大夫忘景公之嚴命乎諸大夫欲悔陽生乃頓首曰可則立之不可則已鮑牧恐禍及已乃復曰皆景公之子何為不可遂立陽生於田乞之

家是為悼公乃使人遷安孺子於駘而殺孺子荼悼公  
既立田乞為相專齊政

孟孺子洩魯孟懿子之子也哀公十四年將圍馬於成

洩孟懿子之子孟武伯  
圍畜養也成孟氏邑

成宰公孫宿不受曰孟孫為成

之病不圍馬馬

病謂民  
貧困

孺子怒襲成從者不得入乃反

成有司使孺子鞭之

恨恚故鞭成  
有司之使人

秋八月辛丑孟懿子

卒成人奔喪弗內袒免哭于衢聽共弗許

請聽命  
共使

懼不

歸

不敢  
歸成

十五年正月成叛

季孫雉魯大夫哀公二十四年閏月公如越得太子適

郢

適郢越王句踐之太子

將妻公而多與之地公孫有山使告于

季孫季孫懼使因大宰詒而納賂焉乃止

詒故吳臣也季孫恐公因

而討已故懼

大尹宋近官有寵者魯哀公二十六年宋景公無子取

公孫周之子得與啟畜諸公室

周元公孫子高也得昭公也啟得弟畜養也

未有立焉於是皇緩為右師皇非我為大司馬皇懷為

司徒

皇懷非我從昆弟

靈不緩為左師

不緩子零

樂後為司城



後樂潤樂朱鈕為大司寇朱鈕樂子六卿三族降聽政三族

皇靈樂降和同也因大尹以達六卿因之以自通達於君大尹常不告而以

其欲稱君命以令不告君也國人惡之司城欲去大尹左師曰

縱之使盈其罪盈滿也重而無基能無敝乎言勢重而無德以為基必

也敗也冬十月公游于空澤空澤宋邑辛巳卒于連中連中官名大尹

興空澤之士千甲甲士千人奉公自空桐入如沃宮奉公尸也梁國

虞勝東南有地名空桐沃宮宋都內宮名使召六子曰聞下有師君請六子

畫畫計六子至以甲劫之曰君有疾病請二三子盟乃

盟于少寢之庭曰無為公室不利大尹立啟奉喪殯于

大宮三日而後國人知之司城後使宣言于國曰大尹

惑蠱其君而專其利今君無疾而死死又匿之是無他

矣大尹之罪也

言大尹所試

得夢啟北首而寢於盧門之外

盧門東門北首死象在門外失國也

已為烏而集于其上味加于南門

尾加于桐門曰余夢美必立

桐門北門

大尹謀曰我不在盟

少寢盟但以君命盟六卿大尹不盟

無乃逐我復盟之乎使祝襄為載書

六子在唐孟

地名

將盟之祝襄以載書告皇非我

襄祝名皇

非我因子潞

子潞樂茂

門尹得

樂得

左師謀曰民與我逐之乎

皆歸授甲使狗于國曰大尹惑蠱其君以陵虐公室與

我者救君者也衆曰與之大尹狗曰戴氏皇氏將不利

公室

戴氏即樂氏

與我者無憂不富衆曰無別

惡其號令與君無別戴

氏皇氏欲伐公

公謂啟

樂得曰不可彼以陵公有罪我伐

公則甚焉使國人施于大尹

施罪于大尹

大尹奉啟以奔楚

乃立得司城為上卿盟曰三族共政無相害也

田常齊卿殺簡公乃立簡公弟驁是為平公平公即位

田常桓之專齊之政割齊安平以東為田氏封邑

平公之時

齊自是稱田氏

田常既殺簡公懼諸侯共誅已乃盡歸魯衛侵

地西約晉韓魏趙氏南通吳越之使修功行賞親于百

姓以故齊復定

趙簡子晉卿也晉定公十八年簡子圍范中行氏于朝

歌中行文子奔邯鄲二十一年簡子救邯鄲中行文子

奔栢人簡子又圍栢人中行文子范昭子遂奔齊趙竟

有邯鄲栢人范中行餘邑入于晉趙名晉卿實專晉權

奉邑侔於諸侯

晉頃公之十二年六卿以法誅公族祁氏羊舌氏分其邑為十縣六卿各令其族為之大夫晉公室由此益弱魏冉秦宣太后異父弟封穰侯同父弟曰芊戎為華陽君而昭王同母弟曰高陵君涇陽君而魏冉最賢自惠王武王時任職用事武王卒諸弟爭立惟魏冉力為能立昭王昭王即位以冉為將軍衛咸陽誅季君之亂而逐武王后出之魏昭王諸兄弟不善者皆滅之威振秦

國昭王少宣太后自治任魏冉為政

冊府元龜卷七百四十七

欽定四庫全書

冊府元龜卷七百四十八 宋王欽若等撰

陪臣部

交爭 變詐 賊害

交爭

春秋之世陪臣執國命彊公室寄任亦多儀制猶簡或奉干戈之役或修朝會之儀而乃進退由心輕重在已始於放肆卒以交爭起讐言專戮生於此矣

公孫閱鄭大夫魯隱公十五年五月鄭伯將伐許授兵

於大宮

大宮鄭祖廟

公孫閱與穎考叔爭車穎考叔挾輶以

走

輶車

子都挾棘以逐之

子都公孫閱棘戟也

及大逵弗及子都

怒

逵道方軌也

七月鄭伯傳于許

傅于許城下

穎考叔取鄭伯之

旗蝥弧以先登

蝥弧旗名

子都自下射之顛

樂轡宋大夫華弱與樂轡少相狎長相優又相謗也

狎親

習也優調戲也

子蕩怒以弓梛華弱于朝

子蕩樂轡也張弓以貫頭若械之在手故

梛平公見之曰司武而梛於朝難以勝矣

司武司馬言其懦弱若不



足以勝敵遂逐之華弱奔魯司城子罕曰同罪異罰非刑也

專戮於朝罪孰大焉亦逐子蕩子蕩射子罕之門曰幾

日而不我從

言我射汝門汝亦當以不勝任見逐

子罕善之如初言子罕雖見辱

而不忿所以得安

子朱晉大夫魯襄公二十六年春秦伯之弟鍼如晉修

成

修會夷儀歲之成

叔向命名行人子員

欲使答秦命

行人子朱曰

朱也當御

御進也言次當行

三云叔向不應子朱怒曰班爵同

同為何以黜朱於朝

黜退也

撫劍從之

從叔也

叔向曰秦晉

不和久矣今日之事幸而集集晉國賴之不集三軍暴

骨子員道二國之言無私子嘗易之姦以事君者吾所

能御也拂衣從之拂衣褰裳也人救之平公曰晉其庶乎庶幾

治于吾臣之所爭者大師曠曰公室懼卑臣不心競而力

爭謂二子不心競為忠而撫劍拂衣不務德而爭善爭謂所行為善私欲已侈

能無卑乎

穿封戌楚大夫魯襄公二十六年楚子侵鄭至於城麇

鄭皇頡戌之皇頡鄭大夫守城麇之邑出與楚師戰敗穿封戌囚皇

頡公子圍與之爭之

公子圍共王子靈王也

正於伯州犁

正曲直也

伯州犁曰請問於囚乃立囚伯州犁曰所爭君子也其何

不知

言王子圍及穿封戌皆非細人易別識也

上其手曰夫子為王子圍寡

君之貴介弟也

介大也

下其手曰此子為穿封戌方城外

之縣尹也誰獲子

上下手以道囚意

囚曰頡遇王子弱焉

弱敗也言

為王子所得

戌怒抽戈逐王子圍弗及楚人以皇頡歸

公孫黑鄭大夫魯襄公二十九年鄭伯有使公孫黑如

楚

黑子皆

辭曰楚鄭方惡而使余往是殺余也伯有曰世

行也

言女世為行人

子皙曰可則往難則已何世之有伯有將

強使之子皙怒將伐伯有氏大夫和之鄭大夫盟於伯

有氏裨諶曰是盟也其與幾何

言不能久也裨諶鄭大夫

詩曰君子

屢盟亂是用長今是長亂之道也禍未歇也必三年而

後能舒

舒解也

子皙入與子南爭聘徐吾犯之妹及適子

南氏子皙怒囊甲以見子南欲殺之而取其妻子南知

之執戈逐之及衝擊之以戈子皙傷而歸

衝交道也

士彌侖晉大夫魯定公元年正月辛巳晉魏舒合諸侯

之大夫子狄泉將以城成周孟懿子會城成周庚寅裁

裁設版築

宋仲幾不受功曰滕薛卿吾役也

欲使三國代宋受功役也鄭小

邦薛宰曰宋為無道絕我小國於周以我適楚故我常

從宋晉文公為踐土之盟曰凡我同盟各復舊職若從

踐土若從宋亦唯命仲幾曰踐土固然

固曰從舊薛舊為宋役

薛

宰曰薛之皇祖奚仲居薛以為夏車正

皇大也奚仲為夏禹掌車服大

夫奚仲遷于邳

邳下邳縣

仲虺居薛以為湯左相

仲虺奚仲之後

若

復舊職將承王官何故以役諸侯

承奉也

仲幾曰三代各

異物諱焉得有舊

以夏殷為舊言居周世不得

為宋後亦其職也士

彌侔曰晉之從政者新

言范獻子新為政未習故事

子姑受功歸吾

視諸故府

求故事

仲幾曰縱子忘之山川鬼神其忘諸乎

山川鬼神盟所告

士伯怒謂韓簡子曰薛徵於人

典籍故事人所知也

宋

徵於鬼

取證于鬼神

宋罪大矣且已無辭而抑我以神誣我

也啟寵納侮其此之謂矣

開寵過分則納受侵侮

必以仲幾為戮

乃執仲幾以歸

樂溷宋大夫魯定公九年春宋公使樂大心盟于晉且

逆樂祁之尸辭偽有疾乃使向巢如晉盟且逆子梁之

尸子明謂桐門右師出

子明樂祁之子溷也右師樂大夫心子明族父也右師往到子明

舍子明逐使出門去

曰吾猶衰經而子擊鍾何也

忿其不逆父喪因責其無同族

之思右師曰喪不在此故也既而告人曰已衰經而生子

余何故舍鍾

明也

子明聞之怒言於公曰右師將不利

戴氏

樂氏公族

不肯適晉將作亂也不然無疾乃逐桐門右

師

韓傀相韓嚴遂重於君二人相害也嚴遂政議直指舉

韓傀之過韓傀以之叱之於朝嚴遂拔劍趨之於是嚴遂懼亡去

變詐

古者諸侯各奠方國必有命卿至于大夫以輔其政洎晚周微弱五霸迭起以機先而為勝內由權變以取威繇是仁義廢而變詐興矣則有屈已而就事違道以成功欺割地之言反好用之物定君於詭詐之際還兵於倉卒之間蓋亦才出一時智通羣萃施之變亂庶可嘉



然與夫皇王之道斯為美矣禮所謂用人之智去其詐  
良有以乎

叔孫僑如魯大夫通於穆姜欲去季孟而取其室

季孟子孟

獻成公十六年冬十月出僑如而盟之僑如奔齊

諸大夫共

盟以僑如為戒

齊聲孟子通僑如聲孟子齊靈公母宋女

使立於高國之

間

位比二卿

僑如曰不可以再罪奔衛亦間於卿

傳亦終言僑如之佞

胥梁帶晉大夫魯襄公二十六年齊人城邾之歲

在二十四

年其夏齊烏餘以廩丘奔晉

烏餘齊大夫也廩丘今東郡廩丘縣故城是

襲

衛羊角取之

今廩丘縣所治羊角城是

遂襲我高魚

高魚城在廩丘縣東北

有

大雨自其竇入

雨大故水竇開

介于其庫

入高魚庫而介其中

以登其城

克而取之

取魯高魚

又取邑於宋於是范宣子卒

宣子范匄諸侯

弗能治也及趙文子為政乃卒治之文子言於晉侯曰

晉為盟主諸侯或相侵也則討而使歸其地今烏餘之

邑皆討類也

言於此類宜見討

而貪之是無以為盟主也請歸

之公曰諾孰可使也對曰胥梁帶能無用師晉侯使往

能無用師言有權謀也

至二十七年春胥梁帶使諸喪邑者具車

徒以受地必周

諸喪邑謂齊魯宋也周密也必密來勿以受地為名

使烏餘具車

徒以受封

烏餘以邑故詐許封之

烏餘以其衆出

出受封也

使諸侯偽

劫烏餘之封者

劫致也使齊魯宋偽若致邑封烏餘者

而遂執之盡獲之

皆獲其徒衆

皆取其邑而歸諸侯諸侯是以睦於晉

傳言趙文子賢

故平公雖失政而諸侯猶睦

韓起晉大夫魯昭公三年如齊逆女

為平公逆

公孫董為少

姜之有寵也以其子更公女而嫁公子

更嫁公女

人謂宣子

子尾欺晉晉胡受之宣子曰吾欲得齊而遠其寵寵將

來乎

罷謂子尾

遠啟疆楚大夫魯昭公七年三月公如楚楚子享公子

新臺

章華臺也

使長鬣者相鬣鬣也欲

先夸魯侯

好以大屈

宴好之賜大屈弓各

既而悔之遠啟疆聞之見公公語之拜賀公曰何賀對

曰齊與晉越欲此久矣寡君無適與也而傳諸君君其

備禦三鄰

言齊晉越將伐魯而取之

慎守寶矣敢不賀乎公懼乃反

之

言楚靈不信所以不終

冉猛魯人定公八年正月公侵齊門於陽州師退冉猛

偽傷足而先

欲先歸

其兄會乃呼曰猛也

殿

會見師退而猛不在列乃

大呼詐言猛在後為殿傳言會無軍政

二月公侵齊攻廩丘之郛主人

出師奔

攻郛人少故遣後師走往助之

陽虎偽不見冉猛者曰猛在此

必敗

陽州之役猛先歸言若在此必復敗

猛逐之顧而無繼偽顛

逐廩丘人虎

曰盡客氣也

言皆客氣非勇

子服景伯魯大夫哀公十三年秋七月辛丑盟吳晉爭

先

爭歛血先後

吳人曰於周室我為長晉人曰於姬姓我為

伯

為侯

乃先晉人吳人將以公見晉侯景伯對使者吳

人乃止既而悔之

謂景伯敗之

將囚景伯景伯曰何也立後

於魯矣

何景伯名

將以二乘與六人從遲速唯命遂囚以還

及戶牖

戶牖陳留外黃縣西北東昏城是

謂太宰嚭曰魯將以十月上

辛有事於上帝先王季辛而畢何世有職焉

有職於祭事

自

襄以來未之有改也

魯襄公

若不會祝宗將曰吳實然

言魯

祝宗將告神云景伯不會坐為吳所囚吳人信鬼故以事恐之

且謂魯不共而執其賤

者七人何損焉大宰嚭言於王曰無損於魯而祇為名

適為惡名

不如歸之乃歸景伯

智伯晉卿也魯哀公二十七年晉荀瑶帥師伐鄭次于

桐丘鄭駟弘請救于齊

顯弘駟子

齊陳成子帥師救鄭智伯

聞之乃還使謂成子曰大夫陳子陳之自出陳之不祀

鄭之罪也

十七年楚獨滅陳非鄭之罪蓋智伯誣陳子故陳子怒謂其多陵人

故寡君使

瑶察陳衷焉

衷善也

謂大夫其恤陳乎若利本之顛瑶何

有焉

言陳滅已何傷

成子怒曰多陵人者皆不在智伯其能久

乎

張儀相秦秦欲伐齊齊楚從親於是張儀往相楚楚懷

王聞張儀來虛上舍而自館之曰此僻陋之國子何以教之儀說楚王曰大王誠能聽臣閉關絕約於齊臣請獻商於之地六百里使秦女得為大王箕箒之妾秦楚娶婦嫁女長為兄弟之國此北弱齊而西益秦也計無便此者楚王大說而許之羣臣皆賀陳軫獨吊楚王怒曰寡人不興師發兵得六百里地羣臣皆賀子獨吊何也陳軫對曰不然以臣觀之商於之地不可得而齊秦合齊秦合則患必至矣楚王曰有說乎陳軫對曰夫秦



之所以楚重者以其有齊也今閉關絕約於齊則楚孤  
秦奚貪夫孤國而與之商於之地六百里張儀至秦必  
負王是北絕齊交西生患於秦也兩國之兵必俱至善  
為王計者不若陰合而陽絕于齊使人隨張儀苟與吾  
地絕齊未晚也不與吾地陰合謀計也楚王曰願陳子  
閉口毋復言以待寡人得地乃以相印授張儀厚賂之  
於是遂閉關絕約於齊使一將軍隨張儀張儀至秦佯  
失綏墮車不朝三月楚王聞之曰儀以寡人絕齊未甚

耶乃使勇士至宋借之符北罵齊王齊王大怒折節而  
下秦秦齊之交合張儀乃朝謂楚使者曰臣有奉邑六  
里願以獻大王左右楚使者曰臣受令於王以商於之  
地六百里不聞六里還報楚王楚王大怒發兵而攻秦  
陳軫曰軫可發口言乎攻之不如割地反以賂秦與之  
并兵而攻齊是我出地於秦取償於齊也王國尚可存  
楚王不聽卒發兵而使將軍屈匄擊秦秦齊共攻楚斬  
首八萬殺屈匄遂取丹陽

江在枝

漢中之地楚又復益發

兵而襲秦至藍田大戰楚大敗於是楚割兩城以與秦  
平秦要楚欲得黔中地欲以武關外易之楚王曰不願  
易地願得張儀而獻黔中地秦王欲遣之口弗忍言張  
儀乃請行惠王曰彼楚王怒子之負以商於之地是且  
甘心於子張儀曰秦彊楚弱臣善靳尚尚得事楚夫人  
鄭袖所言皆從且臣奉王之節使楚楚何敢加誅假令  
誅臣而為秦得黔中之地臣之上願遂使楚楚懷王至  
則囚張儀將殺之靳尚謂鄭袖曰秦王甚愛張儀而不

欲出之今將以上庸之地六縣賂楚以美人聘楚以宮中善歌謳者為勝楚王重地尊秦秦女必貴而夫人斥矣不若為言而出之於是鄭袖日夜言懷王曰人臣各為其主用今地未入秦秦使張儀來至重王王未有禮而殺張儀秦必大怒攻楚妾請子母俱遷江南毋為秦所魚肉也懷王後悔赦張儀厚禮之如故

樓緩趙大夫秦攻趙於長平大破之引兵而歸因使人索六城于趙而謀計未定樓緩新從秦來趙王與樓緩

計之曰與秦地與不與孰吉樓緩辭讓曰非人臣所知也王曰雖然試言公之私樓緩曰王亦聞公父文伯乎公父文伯官於魯病死婦人之為自殺房中者二人其母聞之不肯哭也其相室曰焉有子死不哭者乎其母曰孔子賢人也逐於魯是人不能隨今死而婦人為死者二人若是者其於長者薄於婦人厚也故從母言之為賢母也從婦人言之為妬婦故言之一也言者異則人心變矣今臣新從秦來言勿與則非計也言與之則恐

以臣為秦也故不敢對使臣得為王計不如與之王曰  
諾虞卿聞之入見王王以樓緩言告之虞卿曰此飾說  
也王曰何謂也虞卿曰秦之攻趙倦而歸乎王以其力  
尚能進愛王而不攻乎王曰秦之攻我也不遺餘力矣  
必以倦而歸也虞卿曰秦以其力攻其所不能取倦而  
歸王又為之攻其力之所不能取以資之是助秦自攻  
也來年秦復攻王王無救矣王以虞卿言告樓緩樓緩  
曰虞卿能盡知秦力之所至乎誠知秦力之進也此彈

丸之地猶不與也今秦來年復攻王得無割其內而媾乎王曰請聽子割矣子能必來年秦不復攻乎樓緩曰此非臣之所敢任也他日者三晉之交于秦相善也今秦善韓魏而獨攻王王之所以事秦必不如韓魏也今臣為足下解負親之攻啟關通幣於齊交韓魏至來年而王獨不攻於秦王之所以事秦者必在韓魏之後也此非臣之所敢任也王以樓緩言告虞卿虞卿曰樓緩言不媾來年秦復攻王得無更割其內而媾乎今樓緩

又不能必秦之不復攻也雖割何益來年復攻之割其  
力之所不能取而媾此自盡之術也不如無媾秦雖善  
攻不能歲取六縣趙雖不能收不至歲失六城秦倦而  
歸兵必罷我以六城收天下以攻罷秦是我失之于天  
下而取償於秦也吾國尚利孰與坐而割地自弱以彊  
秦哉今樓緩曰秦善韓魏而攻趙者必以王之事秦不  
如韓魏也是使王歲以六城事秦也坐而地盡矣來年  
秦復求割地王將與之乎不與則是棄前費而挑秦禍



也與之則無地而給之語曰彊者善攻而弱者不能守  
今坐而聽秦秦兵不弊而多得地是彊秦而弱趙也以  
益彊之秦而割逾弱之趙其計固不止矣且秦虎狼之  
國也無禮義其求無已而王之城有盡以有盡之地給  
無已之求其勢必無趙矣故曰此飾說也王必勿與王  
曰諾樓緩聞之入見王王又以虞卿言告之樓緩曰不  
然也虞卿得其一不得其二夫秦趙構難天下皆悅何  
也我將因強而乘弱今趙兵困于秦故不如亟割地為

和以疑天下慰秦之心不然天下將因秦之怒乘趙之  
弊而瓜分之趙見亡之不暇何秦之敢圖願王以此斷  
之勿復計也虞卿聞之復入見王曰危矣樓緩之為秦  
也夫趙兵困于秦又割地為和是愈疑天下而何慰秦  
心哉是亦獨不言其示天下弱乎且臣曰勿與者非固  
勿與而已也秦索六城于王王以五城賂齊齊深讐  
也得王五城并力而西擊齊秦之聽王又不待辭之畢  
矣則是王失之于齊而取償于秦也而齊趙之讐可以

報示天下有能為也王以此發聲兵未闖境臣見秦之重賂而反媾於王也從秦為媾韓魏聞之必盡重王重王必出重器以先於王是一舉而結三國之親而與秦易道也趙王曰善因發虞卿東見齊王與之謀秦虞卿未還秦之使者已在趙矣樓緩聞之逃而去也

### 賊害

古人有言曰士無賢愚入朝見嫉又曰堆生於岸水必湍之斯固達者因事而立喻也若乃利害相形曲直異

稟當其勝會突起狼心乃有取其善而害其人懼其逼而奪其位茲乃賢愚之共弊古今之深戒者在昔曹陪繼世名位迭居苟以一時之忿或至勦類之慘姑因私怨搆其事端終為深禍危乎邦本斯則猜賊者之議得讒毀者之計行故受枉被誅莫不由是徵諸前史可覆視也比其事類以存戒焉

狐射姑晉大夫也晉侯使射姑將陽處父諫曰射姑民衆不說不可使將於是廢將陽處父出射姑入君謂射

姑曰陽處父言曰射姑民衆不說不可使將射姑怒出

刺陽處父於朝而走

明君漏言殺之當坐殺也易曰君不密則失臣臣不密則失身幾事

不密則

害成

箕鄭父晉大夫也夷之蒐晉侯將登箕鄭父先都

登之於上

軍使而士穀梁益耳將中軍

士穀本司空

先克曰狐趙之勲

不可廢也從之

狐偃趙衰有從亡之勲

先克奪蒯得田于革陰

七年

晉禦秦師于革陰以軍事奪其田也先克中軍佐

故箕鄭父先都士穀梁益耳

蒯得作亂使賊殺先克

屠岸賈晉大夫也屠岸賈欲殺趙朔賈始有寵於靈公及至於景公而賈為司寇將作難乃治靈公之賊以致趙盾徧告諸將曰盾雖不知猶為賊首以臣弑君子孫在朝何以懲罪請誅之韓厥曰靈公遇賊趙盾在外吾君以為無罪故不誅今諸君將誅其後是非先君之意而今妄誅妄誅謂之亂臣有大事而君不聞是無君也賈不聽韓厥告趙朔趣亡朔不肯曰子必不絕趙祀朔死不恨韓厥許諾稱疾不出賈不請而擅與諸將攻趙

氏於下宮殺趙朔趙同趙括趙嬰齊皆滅其族

卻錡卻犇卻至皆晉大夫也三卻害伯宗譖而殺之及

藥弗忌

藥弗忌晉賢大夫

伯州犁奔楚

伯宗子

韓獻子曰卻氏其

不免乎善人天地之紀也而驟絕之不亡何待

既殺伯宗又及

弗忌故曰驟也

初伯宗每朝其妻必戒之曰盜憎主人民惡其

上子好直言必及於難

子尾齊大夫也害閭丘嬰欲殺之使帥師以伐陽州

陽州

魯我問師

魯以師往問齊何故伐我

子尾殺閭丘嬰以說于我師

言伐

魯者嬰所為也工倭灑渚竈孔虺賈寅出奔莒四子嬰之黨

季平子魯大夫也平子伐莒取邾邾莒邑獻俘始用人於

亳社以人祭殷社臧武仲在齊聞之曰周公其不饗魯祭乎

周公享義魯無義詩曰德音孔昭視民不佻詩小雅佻偷也言明

德君子必愛民佻之謂甚矣而一用之將誰福哉一同也同人于畜牲

馯歆鄭大夫殺鄧析而用其竹刑鄧析鄭大夫欲改鄭所鑄舊制不受君命

而私造刑法書之于竹簡故言竹刑君子謂子然於是不忠苟有可以加

于國家者棄其邪可也加猶益也棄不責其邪惡也靜女之三章取



彤管焉

詩邶風也言靜女三章之詩雖說美女義在彤管彤管赤管筆女史記事規誨之所執

干

旄何以告之取其忠也

詩邶風也錄干旄詩者取其忠心願告人以善道也言此二詩

皆以一善見采而節折不以一善存身

故用其道不棄其人詩云蔽芾甘

棠勿翦勿伐召伯所茇

詩召南也召伯決訟於蔽芾小棠之下詩人思之不伐其樹茇

草舍也思其人猶愛其樹况用其道而不恤其人乎子然

無以勸能矣

傳言子然嗣大叔為政鄭所以衰弱

陳逆齊大夫也齊簡公之在魯也闕止有寵焉

簡公悼公易生

子壬也闕止子我也及即位使為政陳成子憚之驟顧諸朝成子陳常

心不安故諸御鞅言於公曰陳闞不可並也君其擇焉

數傾之擇用弗聽子我夕夕視陳逆殺人逢之陳逆子行陳氏宗也子我逢之

遂執以入執逆陳氏方睦欲謀齊國故宗族和使疾而遺之潘沐

備酒肉焉使詐病因內潘沐并得內酒肉潘米汁可以沐頭享守囚者醉而殺

之而逃

白公勝楚太子建之子也太子建之遇讒也自城父奔

宋又避華氏之亂于鄭鄭人甚善之又適晉與晉人謀

襲鄭乃求復焉鄭人復之如初晉人使謀於子未請行

而期焉

請行襲鄭之期  
子木即建也

子木暴虐於其私邑邑人訴之

鄭人省之得晉謀焉遂殺子木其子曰勝在吳子西欲

召之葉公曰吾聞勝也詐而亂無乃害乎

葉公子高子  
沈諸梁也

西曰吾聞勝也信而勇不為不利舍諸邊境使衛藩焉

使為藩  
屏之衛

葉公曰周仁之謂信也

周親率義之謂勇也

聞勝也好復言

言之所許必欲復  
行之不顧道理

而求死士殆有私乎

私謀復讐復言非信也期死非勇也

期必也子必悔之弗從召

之使處吳竟為白公

白楚邑也汝陰褒  
信縣西南有白亭

請伐鄭子西曰

楚未節也

言楚國新復政令猶未得節制

不然吾不忘也他日又請許

之未起師晉人伐鄭楚救之與之盟勝怒曰鄭人在此

讐不遠矣

比于鄭人

勝自厲劍子期之子平見之曰王孫

何自厲也曰勝以直聞不告女庸為直乎將以殺爾父

子平以告子西子西曰勝如卵余翼而長之

以鳥為喻 楚國

第

用士之次第

我死令尹司馬非勝而誰勝聞之曰令尹之

狂也得死乃非我

言我必殺之若得自死我乃不復成人

子西不悛勝謂

石乞

石乞勝之徒

曰王與二卿士

二卿子西子期

皆五百人當之則

可矣乞曰不可得也

五百人不可得

曰市南有熊宜僚若得之

可以當五百人矣乃從白公而見之與之言說告之故

辭

告欲作亂宜僚辭拒之

承之以劍不動

挾劍指其喉

勝曰不為利諂

不為威惕不洩人言以求媚者去之吳人伐慎白公敗

之

汝陰慎縣也

請以戰備獻

與吳戰之所得車仗兵器皆備而獻之欲因此作亂

許之

遂作亂殺子西子期于朝而劫惠王子西以袂掩面而死

慙於葉公

大宰嚭吳大夫也嚭既與子胥有隙因讒曰子胥為人

剛暴少恩猜賊其怨望恐為深禍也前日王欲伐齊子

胥以為不可王卒伐之而有大功子胥恥其計謀不用

乃反怨望而今王又復伐齊子胥專復彊諫沮自呂毀

用事徒幸吳之敗以自勝其計謀耳今王自行恣國中

武力以伐齊而子胥諫不用因輟謝佯病不行王不可

不備此起禍不難且詬使人微伺之其使於齊也乃屬

其子於齊之鮑氏夫為人臣內不得意外倚諸侯自以

為先王之謀臣今不見用嘗怏怏怨望願王早圖之吳

王曰微子之言吾亦疑之乃使使賜伍子胥屬鏤

鏤力候反

之劍曰子以此死伍子胥仰天歎曰嗟乎謫臣詬為亂矣王乃反謀我我今若父霸自若未立時諸公子爭立我以死爭之于先王幾不得立若既得立欲分吳國予我我顧不敢望也然今若聽諛臣言以殺長者乃告其舍人曰必樹吾墓上以梓令可以為器而抉吾眼縣吳東門之上以觀越寇之入滅吳也乃自經死

趙鞅晉大夫簡子也竇鳴犢舜華晉國之賢大夫也簡

子未得志之時須此兩人而後從政及其已得志殺之  
乃從政

須賈為魏中大夫為魏昭王使於齊范雎從之留數月  
未得報齊襄王聞雎辯口乃使人賜雎金十斤及牛酒  
雎辭謝不敢受須賈知之大怒以為雎持魏陰事告齊  
故得此饋令雎受其牛酒還其金既歸心怒雎以告魏  
相魏齊魏齊大怒使舍人笞擊雎折脅摺齒雎佯死即  
卷以簣置廁中賓客飲者醉更溺雎故僂辱以懲後令



無妄言者睢從箒中謂守者曰公能出我我必厚謝公  
守者乃請出箒中死人魏齊醉曰可矣范睢得出

趙襄子晉大夫也襄子姊前為代王夫人簡子既葬未

除服北登夏屋

山在廣武

請代王使厨人操銅料以食代王

及從者行斟陰令宰人各

一作雜

以料擊殺代王及從官

遂興兵平代地其姊聞之泣而呼天摩笄自殺代人憐  
之所死地名之為摩笄之山遂以代封伯魯子周為代  
成君

冊府元龜卷七百四十八

欽定四庫全書

冊府元龜卷七百四十九 宋 王欽若等撰

陪臣部

構患

夫內懷隱慝心專樂禍固念乎紆難姑務於構怨苟利於已貽患於國斯蓋臣之不令而人之無良者歟春秋之世施及六國諸侯力政征伐自出乃有參家陪之列總兵賦之職預公族之齒居嬖御之昵不念乎令德之

訓狗於公家之利怙亂以肆志興戎而致擾因私憾而忘本恃外援而傾宗以至干戈日尋禍釁交作燎原之勢暴起發矢之悔莫追其有積稔之自貽夷滅之是取名在國策為世大戮不為不幸也

石制鄭大夫魯宣公十二年春楚子圍鄭是役也石制實入楚師將以分鄭而立公子魚臣卒未鄭殺僕叔及

子服

僕叔魚臣也子服石制也

君子曰史佚所謂毋怙亂者謂是類

也

言時人之亂以要利

詩曰亂離瘼矣爰其適歸

詩小雅離憂也瘼病也爰於也

言禍亂憂病於何所歸乎歎之歸於怙亂者也

先穀晉大夫魯宣公十三年秋赤狄伐晉及清先穀召

之也

却戰不得志故召狄欲為變清一名清原

宣伯魯大夫叔孫僑如也成公十六年公出于壞墮

壞墮

魯邑齊衛皆後非獨魯明晉以僑如故不見公

宣伯通於穆姜

穆姜成公母

欲去季

孟以取其室

季文子孟獻子

將行穆姜送公而使逐二子公以

晉難告

會晉伐鄭

曰請反而聽命姜怒公子偃公子鉏趨過

二子公庶弟

指之曰女不可是皆君也

言欲廢公更立君

公待於壞

墮申宮做備

申勃官備

設守而後行是以後

後晉楚戰期

使孟獻

子守于公宮秋會于沙隨謀伐鄭也

鄭猶未服

宣伯使告卻

犇曰魯侯待于壞墮以待勝者

觀晉楚之勝負

卻犇將新軍且

為公族大夫以主東諸侯

主齊魯之屬

取貨于宣伯而訴公

于晉侯

訴諧也

晉侯不見公七月公會尹武公及諸侯伐

鄭將行姜又命公如初

復欲使公逐季孟

公又申守而行諸侯

之師次于鄭西我師次于督陽不敢過鄭

督陽鄭東地

子叔

聲伯使叔孫豹請逆于晉師

豹叔孫僑如弟也僑如於是遂作亂豹因奔齊

食於鄭郊師逆以至

聲伯戒叔孫以必須所逆晉師至乃食

聲伯四日不

食以待之食使者

使者豹之介

而後食

言其忠也

宣伯使告卻隼

曰魯之有季孟猶晉之有欒范也政令於是乎成今其

謀曰晉政多門不可從也

政不由君

寧事齊楚有亡而已

從晉矣

也

若欲得志於魯請止行父而殺之

行父季也

我斃蔑也

蔑孟獻子時留守公宮

而事晉蔑有二矣魯不二小國

必睦不然歸必叛矣九月晉人執季文子于荅丘公還

待于鄆

鄆魯西邑東郡廩丘縣東有鄆城

使子叔聲伯請季孫于晉卻

犇曰苟去仲孫蔑而止季孫行父吾與子國親於公室

親魯甚於晉公室

對曰僑如之情子必聞之矣

聞其淫慝情

若去蔑

與行父是大棄魯國而罪寡君也若猶不棄而惠徼周

公之福使寡君得事晉君則夫二人者魯國社稷之臣

也若朝亡之魯必夕亡以魯之密邇仇讐仇讐謂齊楚亡而

為讐治之何及

言魯屬齊楚則還為晉讐

卻犇曰吾為子請邑對曰

嬰齊魯之常隸也

隸賤官

敢介大國以求厚焉介因承寡

君之命以請也

承奉也

若得所請吾子之賜多矣又何求范



文子謂欒武子曰季孫於魯相二君矣

二君宣成

妾不衣帛

馬不食粟可不謂忠乎信讒慝而棄忠良若諸侯何子

叔嬰齊奉君命無私

無私不受卻犖請邑

謀國家不貳

謂四日不食以堅事

晉圖其身不忘其君

辭邑不食皆先君而後身

若虛其請是棄善人

也子其圖之乃許魯平赦季孫冬十月出叔孫僑如而

盟之僑如奔齊

諸大夫共盟以僑如為戒

十二月季孫及卻犖盟于

扈歸刺公子偃

偃與鉏俱為姜所指而獨殺偃偃與謀

召叔孫豹于齊而

立之

近此七月聲伯使豹請逆於晉聞魯人將討僑如約乃避其難先奔齊生二子而魯乃召之故襄二

羊豹始見經傳  
於此因言其終

胥童晉大夫魯成公十七年冬晉殺其大夫卻錡卻犇

卻至晉厲公侈多外嬖

外嬖愛幸大夫

反自鄆陵欲盡去羣大

夫而立其左右胥童以胥克之廢也怨卻氏

童胥克之子宣八年

卻缺廢胥克

而嬖於厲公卻錡奪夷陽五田五亦嬖於厲公

卻犇與長魚矯爭田執而梏之

梏械之

與其父母妻子同

一轅

繫之車中

既矯亦嬖於厲公藥書怨卻至以其不從已

而敗楚師也欲廢之

鄆陵戰藥書欲固壘卻至言楚有六間以取勝也

使楚公

子獲告公曰此戰也卻至實召寡君

鄢陵戰晉囚公子獲以歸

以東

師之未至也

齊魯衛之師

與軍帥之不具也曰此必敗

荀瑩佐下

軍居守卻擘將新軍乞師故言不具

吾因奉孫周以事君

孫周襄公曾孫悼公君楚王

公告欒書書曰其有焉不然豈其死之不恤而受敵使

乎

謂鄢陵戰時楚子問卻至以弓

君盍嘗使諸周而察之

嘗試也

卻至聘

于周欒書使孫周見之公使覘之信也

覘伺也

遂怨卻至厲

公田與婦人先殺而飲酒後使大夫殺

傳言厲公無道先婦人而後卿

佐卻至奉豕

進之於公

寺人孟張奪之

寺人奄士

卻至射而殺之

公曰季子欺余

季子卻至公反以爲卻至奪孟張豕

厲公將作難胥童曰

必先三卻族大多怨去大族不逼

不逼公室

敵多怨有庸

討多

怨者易有功

公曰然卻氏聞之卻錡欲攻公曰雖死君必危

卻至曰人所以立信智勇也信不叛君知不害民勇不

作亂失茲三者其誰與我死而多怨將安用之

言俱死無用多

其怨咎

君實有臣而殺之其謂君何我之有罪而死後矣

若殺不辜將失其民欲安得乎

言不得安君位

待命而已受君

之祿是以聚黨有黨而爭命

爭死命

罪孰大焉

傳言卻至無反心

壬午胥童夷羊五帥甲八百將攻郤氏八百長魚矯請

無用衆公使清沸黓助之沸黓亦抽戈結社社裳而偽

訟者偽與清沸黓訟三郤將謀於榭榭講武堂矯以戈殺駒伯苦成

叔于其位位所坐處也駒伯温季曰逃威也遂趨郤至

欲稟君命而死今矯等不以君命而來故欲逃矯及諸

其車以戈殺之皆尸諸朝陳其尸於朝胥童以甲劫藥書中

行偃于朝矯曰不殺二子憂必及君公曰一朝而尸三

卿余不忍益也對曰人將恐君人謂書與偃也臣聞亂在外為

姦在內為究御姦以德

德綏遠

御究以刑

刑治近

不施而殺

不可謂德臣偏而不討不可謂刑德刑不立姦究並至

臣請行遂出奔狄

行去也

公使辭於二子

辭謝書與偃

曰寡人

有討於卻氏卻氏既伏其辜矣大夫無辱其復職位

胥童

劫而執之故云辱

皆再拜稽首曰君討有罪而免臣於死君之

惠也二臣雖死敢忘君德乃皆歸公使胥童為卿公遊

于匠麗氏

匠麗嬖大夫家

藥書中行偃遂執公馬召士甸士甸

辭

辭不往

召韓厥韓厥辭曰昔吾畜於趙氏孟姬之讒吾

能違兵

畜養也違去也韓厥少為趙盾所待養及孟姬之亂晉將討趙氏而厥去其兵示不與黨言此

者明無所偏助孟姬亂在八年

古人有言曰殺老牛莫之敢尸而况君

乎二三子不能事君焉用厥也

尸主也

閏月乙卯晦藥書

中行偃殺胥童

以其劫已故

民不與卻氏胥童道君為亂故

皆書曰晉殺其大夫

厲公以私欲殺三卻而三卻死不無罪書書以家怨害胥童而胥

童受國討夫明卻氏失民胥童道亂宜其為國戮

子駟鄭公子也魯襄公八年冬楚子囊伐鄭討其侵蔡

也子駟子國子耳欲從楚子孔子矯子展欲待晉

待晉來救

子孔穆公子子燭子游子子展子罕子  
子駟曰周詩有之曰俟河之清人

壽幾何

逸詩也言人壽促而河清遼喻晉之不可待

兆云詢多職競作羅

詢謀也職主也言既下且謀之多族民之多違也

事滋無成

滋益也

民急矣姑從楚以紓吾民晉師至吾又

從之敬共幣帛以待來者小國之道也犧牲玉帛待於

二竟

二竟晉楚界上

以待強者而庇民焉冠不為害民不罷病

不亦可乎子展曰小所以事大信也小國無信兵亂日

至亡無日矣五會之信

謂三年會雞澤五年會戚又會城棣七年會鄆八年會邢丘



今將背之雖楚救我將安用之

言失信得楚不足貴

親我無成

晉

鄭鄙我是欲

楚欲以鄭為鄙邑而反欲與成

不可從也

言子駟不可從

不如待

晉晉君方明四軍無闕八卿和睦必不棄鄭

四軍謂上中下新軍

也軍有二卿

楚師遼遠糧食將盡必將速歸何患焉舍之聞

之舍之子

展名杖莫如信完守以老楚杖信以待晉不亦可

乎子駟曰詩云謀夫孔多是用不集

詩小雅孔甚也集就也言人欲為政

是非相亂而不成

發言盈庭誰敢執其咎

言謀者多若有不善無適受其咎

如

匪行邁謀是用不得于道

匪彼也行邁謀謀於路人也

請

從楚駢也受其咎

駢子駢名

乃及楚平使王子伯駢告于晉

伯駢鄭大夫

曰君命敝邑修而車賦儆而師徒以討亂畧蔡

人不從敝邑之人不敢寧處悉索敝賦

悉索盡也

以討于蔡

獲司馬燹獻于邢丘今楚來討曰女何故稱兵于蔡

稱舉

也焚我郊保

郭外曰郊保守也

馮陵我城郭

馮迫也

敝邑之衆夫

婦男女不皇啟處以相救也

皇暇也啟跪也

翦焉傾覆無所控

告

翦盡也控引也

民死亡者非其父兄即其子弟夫人愁痛

夫人

猶人不知所庇民知窮困而受盟于楚孤也與其二三

臣不能禁止

孤鄭伯

不敢不告知武子使行人子員對之

曰君有楚命

見討之命

亦不使一介行李告于寡君

一介獨使也行

李行人也

而即安于楚君之所欲也誰敢違君寡君將帥諸

侯以見于城下唯君圖之

明年晉伐鄭

子孔鄭公子也魯襄公十八年冬楚伐鄭子孔欲去諸

大夫

欲專權

將叛晉而起楚師以去之使告子庚子庚弗

許

子庚楚令尹公子午

楚子聞之使揚豚尹宜告子庚曰國人謂

不穀主社稷而不出師死不從禮

不能承先君之業死將不得從先君之禮

不穀即位於今五年師徒不出人其以不穀為自逸而

忘先君之業矣

謂已未嘗統師自出

大夫圖之其若之何子庚歎

曰君王其謂午懷安乎吾以利社稷也見使者稽首而

對曰諸侯方睦于晉臣請嘗之

嘗試其難易也

若可君而繼之

不可收師而退可以無害君亦無辱子庚帥師治兵於

汾

襄城縣東北有汾丘城

於是子矯伯有子張從鄭伯伐齊

子張公孫

黑肱

子孔子辰子西守二子知子孔之謀

二子子辰子西

完守入

保

完城郭內保守

子孔不敢會楚師楚師伐鄭次于魚陵

魚陵魚齒

山也在南陽  
右師城上棘遂涉潁次于旃然將涉潁故於水邊權

桑山城以為進退之備旃然  
水出滎陽成臯縣東入汴  
為子馮公子格率銳師侵

費滑胥靡獻于雍梁胥靡獻于雍梁皆鄭邑河南陽程縣東北有雍氏城  
右回梅

山在滎陽密縣東北  
侵鄭東北至于蟲牢而反子庚門于純門

信于城下而還信再宿也  
涉于魚齒之下魚齒山之下有澹水故言涉  
甚

雨及之楚師多凍役徒幾盡

析公楚大夫也魯襄公二十六年蔡大夫聲子使於晉

還如楚謂楚令尹子木曰子儀之亂析公奔晉在文十四年

晉人寘諸戎車之殿以為謀主

殿後軍

繞角之役晉將遁

矣析公曰楚師輕窳易震蕩也若多鼓均聲以夜軍之

均同其聲楚師必遁晉人從之楚師宵潰晉遂侵蔡襲沈獲

其君敗申息之師於桑隧獲申麕而還

成六年晉樂書救鄭與楚師遇

於繞角楚師還晉侵沈獲沈子八年楚復敗申息獲申麕鄭於是不敢南面楚失華

夏則析公之為也

雍子楚大夫也雍子之父兄譖雍子君與大夫不善是

也不是其曲直雍子奔晉晉人與之郟郟晉邑以為謀主彭城

之役晉楚過於靡角之谷

在成十年

晉將遁矣雍子發命

於軍曰歸老幼反孤疾二人役歸一人簡兵蒐乘

簡擇蒐閱

秣馬蓐食師陳焚次

次舍也焚舍示必死

明日將戰行歸者而逸

楚囚

欲使楚知之

楚師宵潰晉降彭城而歸諸宋以魚石歸

在元年

楚失東夷子辛死之則雍子之為也

楚東小國及陳見楚不能

救彭城皆叛五年楚人討陳叛故殺令尹子辛

子靈楚大夫也楚子反與子靈爭夏姬而雍害其

事

子反亦雍害巫臣不使得取夏姬

子靈奔晉晉人與之邢邢晉以為

謀主扞禦北狄通吳於晉教吳叛楚教之乘車射御驅  
侵使其子狐庸為吳行人焉吳於是伐巢取駕克棘入

州來

駕棘皆楚邑譙國鄧縣東北有棘亭

楚罷於奔命至今為患則子靈

之為也

事見成七年

苗賁皇楚大夫也楚莊王時若敖之亂伯賁之子賁皇

奔晉晉人與之苗

苗晉邑

以為謀主鄢陵之役楚晨壓晉

軍而陳晉將遁矣苗賁皇曰楚師之良在其中軍王族

而已

言楚之精卒唯在中軍

若塞井夷竈成陳以當之

塞井夷竈以為陳



藥范易行以誘之

藥書時將中軍范欒佐之易行謂簡易兵備欲令楚貪已不復顧二穆之

兵中行二郤必克二穆

郤錡時將上軍中行偃佐之郤至佐新軍令此三人分良以攻

二穆之兵楚子重子辛皆出穆王故曰二穆

吾乃四萃於其王族必大敗之

四萃四面集攻之

晉人從之楚師大敗王夷師燔

夷傷也吳楚之間謂火滅為燔

子反死之鄭叛吳興楚失諸侯則苗貢皇之為也

慶封齊大夫也魯襄公二十七年春慶封來聘初崔杼

生成及強而寡

偏長曰寡寡恃也

娶東郭姜生明東郭姜以孤

入曰棠無咎

無咎棠公之子

與東郭偃相崔氏

東郭偃姜之弟

崔成有

疾而廢之

有惡疾也

而立明成請老于崔

濟南東朝陽縣西北有崔氏城成欲

居崔邑以終老

崔子許之偃與無咎弗予曰崔宗邑也必在宗

主

宗邑宗廟所在宗主為崔明

成與强怒將殺之告慶封曰夫子之

身亦子之所知也唯無咎與偃是從父兄莫得進矣大

恐害夫子敢以告

夫子謂崔杼

慶封曰子姑退吾圖之告盧

蒲嬰

嬰慶封屬大夫封以成彊之言告嬰

盧蒲嬰曰彼君之讐也天或者

將棄彼矣彼實家亂子何病焉

君謂齊莊公為崔杼所殺崔之薄慶

之厚也

崔敗則慶專權

他日又告

成彊復告

慶封曰苟利夫子必去

之難吾助女九月庚辰崔成崔彊殺東郭偃棠無咎於

崔氏之朝崔子怒而出其衆皆逃求人使駕不得使圍

人駕寺人御而出

圍人養馬者  
寺人奄士

且曰崔氏有福止余猶

可

恐滅家禍  
不止其身

遂見慶封慶封曰崔慶一也言如是一家是何敢

然請為子討之使盧蒲癸帥甲以攻崔氏崔氏堞其宮

而守之

堞短垣使其衆  
居短垣內以守

弗克使國人助之遂滅崔氏殺

成與彊而盡俘其家其妻縊

妻東郭姜

嬖復命於崔子且御

而歸之

嬖為崔氏御

至則無歸矣乃縊崔明夜辟諸大墓

先開

以藏之家人之冢卒已崔明來奔慶封當國當國二十八年慶封

使諸亡人得賊者以告而反之亡人辟崔氏故反盧蒲

癸癸臣子之廢舍有寵妻之子之以其慶舍之士謂盧

蒲癸曰男女辯姓子不辟宗何也相取慶氏盧蒲氏皆

姜姓曰宗不余辟言舍欲余獨焉辟之賦詩斷章余取所

求焉惡識宗言已苟欲有求于慶氏不能復顧癸言王

何而反之二人皆嬖二子皆莊公黨二十五年崔氏弑

公欲為莊使執寢戈而先後之寢戈親公膳日雙鷄卿大

公報讐

使執寢戈而先後之

寢戈親

公膳日雙鷄

卿大夫

膳食饗人竊更之以驚御者知之則去其肉而以其洎饋

御進食者饗人御者欲使諸大夫怨子雅子尾怒二子皆惠

慶氏減其膳蓋盧蒲癸王何之謀公慶封告盧蒲癸以二子怒告癸盧蒲癸曰譬之如禽獸吾寢

處之矣言能殺而席其皮慶封之亂陳無宇濟水而戕舟發梁

戕傷壞也不欲盧蒲姜謂癸曰有事而不告我必不捷

矣姜癸妻慶舍女癸告之告欲殺慶舍姜曰夫子復莫之止將不出

我請止之慶舍癸曰諾十一月乙亥嘗於太公之廟

慶舍泣事臨祭盧蒲姜告之且止之弗聽曰誰敢者遂

如公至公麻嬰為尸

尸為祭慶集為上獻上獻先獻者

盧蒲癸

王何執寢戈慶氏以其甲環公宮

廟在陳氏鮑氏之宮內圍

人為優

優能

慶氏之馬善驚士皆釋甲束馬

束馬之也

而飲酒

且觀優至于魚里

魚里里名優在魚里就觀之

藥高陳鮑之徒介慶

氏之甲

藥子雅高子尾陳陳須無鮑鮑國

子尾抽桷擊扉三

桷椽也扉門闔也以

桷擊扉為期

盧蒲癸自後刺子之王何以戈擊之解其左肩

猶援廟桷動於薨

薨屋棟

以俎壺殺人而後死

言其多力

遂殺

慶繩麻嬰

慶繩慶集

公懼鮑國曰羣臣為君故也

言欲尊公室非為亂

陳須無以公歸稅服而如內宮

言公懼於外難

慶封歸遇告亂

者丁亥伐西門弗克還伐北門克之入伐內宮

陳鮑在公所故

弗克反陳于獄

獄里名

請戰弗許遂來奔

伯有鄭大夫良霄也魯襄公三十年鄭人殺良霄初伯

有者酒為窟室

窟室地室

而夜飲酒擊鍾焉朝至未已朝者

曰公馬在

家臣故謂伯有為公

其人曰吾公在壑谷

壑谷窟室

皆自朝

布路而罷

布路分散

既而朝

伯有朝鄭君

則又將使子晳如楚歸

而飲酒庚子子晳以駟氏之甲伐而焚之伯有奔雍梁

雖梁醒而後知之遂奔許大夫聚謀子皮曰仲虺之志

鄭地仲虺湯左相云亂者取之亡者侮之推亡固存國之利也罕

駟豐同生罕子皮駟子哲豐公孫伯有汰侈故不免三家

同出而伯有孤人謂子產就直助彊時謂子哲直三家彊子產曰

豈為我徒徒黨也言不以駟良為黨國之禍難誰知所蔽或主強直

難乃不生言能強能直則可弭難今三家未能則伯有方爭姑成吾所欲以無所附著

為卒丑子產歛伯有氏之死者而殯之不及謀而遂行

不與於印段從之義子子皮止之衆曰人不我順何止

國謀



馬子皮曰夫子禮於死者况生者乎遂自止之壬寅子

產入癸丑子石入

子石印段

皆受盟於子皙氏乙巳鄭伯及

其大夫盟于大宮

大宮祖廟

盟國人于師之梁之外

師之梁鄭城門

伯有聞鄭人之盟已也怒聞子皮之甲不與攻已也喜

日子皮與我矣癸丑晨自墓門之瀆入

墓門鄭城門

因馬師

頡介於襄庫以伐舊北門

馬師頡子羽孫

駟帶率國人以伐之

駟帶子西之子皆召子產

駟氏伯有俱召

子產曰兄弟而及此

吾從天所與

兄弟恩等故無所偏助

伯有死于羊肆

羊肆市列

子產祿

之枕股而哭之斂而殯諸伯有之臣在市側者既而葬

諸斗城

斗城鄭地名

子駟氏欲攻子產子皮怒之曰禮國之

幹也殺有禮禍莫大焉乃止

斂葬伯有為有禮

於是游吉如晉還

聞難不入

懼禍井及

復命于介八月甲子奔晉駟帶追之及

酸棗與子上盟用兩珪質于河

子上駟帶也沈珪於河為信也酸棗留縣

公孫盼入盟大夫已已復歸

游吉歸也

書曰鄭人殺良霄不

稱大夫言自外入也

既出位絕非復鄭大夫

僕展從伯有與之皆

死

僕展鄭大夫伯有黨

羽頡出奔晉為任大夫

羽頡即馬師頡任晉縣今屬廣平郡

鷄澤之會

年在三

鄭樂成奔楚遂適晉羽頡因之與之比

而事趙文子言伐鄭之說焉以宋之盟故不可

宋盟約  
弭兵故

子皮以公子孫鉏為馬師

鉏子罕之  
子代羽頡

藥施齊大夫也魯昭公十年藥施來奔齊惠藥高氏彊

於陳鮑氏而惡之

鮑陳

夏有告陳桓子曰子旗子良將

攻陳鮑亦告鮑氏桓子授甲而如鮑氏遭子良醉而騁

欲及子良醉故  
驅告鮑文子

遂見文子

文子

則亦授甲矣使視二子

二子子旗子良則皆將飲酒桓子曰彼雖不信

彼傳  
言者

聞我授甲

則必逐我及其飲酒也先伐諸陳鮑方睦遂伐藥高氏

子良曰先得公陳鮑焉往

欲以公自輔助

遂伐虎門

欲入公不聽故伐公

門晏平仲端委立于虎門之外

端委朝服

四族召之無所往

四族藥高陳鮑

其徒曰助陳鮑乎曰何善焉

言無善義可助

助藥高乎

曰庸愈乎

罪惡不差於陳鮑

然則歸乎曰君伐焉歸公召之而

後入公卜使王黑以靈姑鉞率吉請斷三尺焉而用之

王黑齊大夫靈姑鉞公旗名斷三尺不敢與君同

五月庚辰戰于稷

稷祀后處藥

高敗又敗諸莊

莊六軌之道

國人追之又敗諸鹿門

鹿門齊城門

藥施高彊來奔

高彊不書非卿

陳鮑分其室

叔仲子魯大夫昭公十二年季平子立而不禮于南蒯

蒯南遺之子  
季氏費邑宰

南蒯謂子仲

子仲公

吾出季氏而歸其室

於公室季氏

子更其位

更代也

我以費為公臣子仲許之

南蒯語叔仲穆子且告之故

穆子叔仲帶之子叔仲小也語以欲出季氏以不見

禮故季悼子之卒也叔孫昭子以再命為卿

悼子季武子之子平子父

也傳言叔孫之見命乃在平子為卿之前

及平子伐莒克之更受三命

十年平子

伐莒以功加三命昭子不伐莒亦以例加為三命

叔仲子欲構二家

欲構使謂相爭

平子曰三命踰父兄非禮也

言昭子受三命自踰其先人

平子曰然

故使昭子

使昭子自貶黜

昭子曰叔孫氏有家禍殺適立庶故

媾也及此

禍在四年

若因禍以斃之則聞命矣

言因亂討已不敢辭若

不廢君命則固有著矣

著位次

昭子朝而命吏曰媾將與

季氏訟書辭無頗

頗偏也

季孫懼而歸罪於叔仲子故叔

仲小南蒯公子慙謀季氏慙告公而遂從公如晉

慙子仲

南蒯懼不克以費叛如齊子仲還及衛聞亂逃介而先

介副使也及郊聞費叛遂奔齊

言及郊解經所以書出

南蒯之將叛其

鄉人或知之過之而歎

鄉人過而歎

且言曰恤恤乎秋乎攸

乎

恤恤憂患湫愁隘攸懸危之貌

深思而淺謀邇身而遠志家臣而君

圖

家臣而圖人君之事故言思深而謀淺身近而志遠

有人矣哉

言今有此人微以感人

南

蒯枚筮之

不指其事汎卜吉凶

遇坤三三

坤上坤下坤

之比三三

坤下坎上

此坤六五爻變

曰黃裳元吉

坤六五爻辭

以為大吉也示子服惠伯

曰即欲有事何如惠伯曰吾嘗學此矣忠信之事則可

不然必敗外彊內溫忠也

坎實故強坤順故溫所以為忠

和以率

貞信也

水和而土安平和平信之本也

故曰黃裳元吉黃中之色也裳

下之飾也元善之長也中不忠不得其色

言非黃

下不共

不得其飾

不為

事不善不得其極

失中德

外內倡和為忠

不相違也

率事以信為共

率猶行也

共養三德為善

三德謂正直剛克柔克也

非此三者弗當

非忠信善不當此卦

且夫易不可以占險將何事

也且可飾乎

夫易猶此易謂黃裳元吉之卦問其何事欲令從下之飾

中美能黃上

美為元下美則裳參成可筮

參美盡備吉可如筮

猶有關也筮雖

吉未也

有關謂不參成

將適費飲鄉人酒

南蒯自其鄉人或歌家還適費

曰我有圃生之杞乎

言南蒯在費欲為亂如杞生於圃圃非宜也杞世所謂枸杞也從



我者子乎

子男子之通稱言從已可不失今之尊

去我者鄙乎倍其鄰者

恥乎

鄰猶親也

已乎已乎非吾黨之士乎

已乎已乎言自遂不改

平子

欲使昭子逐叔仲小

欲以自解說

小聞之不敢朝昭子命吏

謂小待政於朝曰吾不為怨府

言不能為季氏逐小生怨禍之聚

觀從楚人也魯昭公十三年楚公子棄疾殺公子比初

楚子之為令尹也殺大司馬遂掩而取其室

在襄三

及

即位奪遂居田

居掩之族言遂氏所以怨

遷許而質許圍

遷許在九年圍許大

夫蔡洧有寵於王王之滅蔡也其父死焉

楚滅蔡在十一年洧仕楚

其父在國故死王使與於守而行行使洧守國王申之會越大夫

戮焉

申會在四年

王奪鬪韋龜中犍

韋龜令尹子文玄孫中犍邑名

又奪成

然邑而使為郊尹

成然韋龜子郊尹治郊竟大夫

蔓成然故事蔡公蔡公

棄疾也故猶舊也韋龜以棄疾有當璧之命故使成然事之

故遠氏之族及遠居許

圍蔡洧蔓成然皆王所不禮也因羣喪職之族啟越大

夫常壽過作亂

常壽過申會所戮者

圍固城克息舟城而居之息舟

楚邑城之堅固者

觀起之死也其子從在蔡事朝吳

觀起死在襄二十二

年朝吳故蔡大夫聲子之子

曰今不封蔡蔡不封矣我請試之

觀從父

元怨楚故  
欲試作亂

以蔡公之命召子干子皙

二子皆靈王弟元  
年子干奔晉子皙

奔

及郊而告之情

告以蔡公  
不及謀

強與之盟入襲蔡蔡公將

食見之而逃

不知其故  
驚起辟之

觀從使子干食坎用牲加書而

速行

使子干居蔡公之  
並偽與蔡公盟之  
徵驗以示衆

已徇于蔡

已觀  
從也

曰蔡公召二子將納之與之盟而遣之矣將師而從之

詐言蔡公將  
以師助二子

蔡人聚將執之

執  
從

辭曰失賊成軍而殺

余何益乃釋之

賊謂子干子皙也  
公已成軍殺已不解罪

朝吳曰二三子

若能死亡則如違之以待所濟

言若能為靈王死亡則  
可違蔡公之命以待成



子罷敵

須務年史俾楚大夫蔡公之黨也正僕太子之近官

公子比為王公子黑

肱為令尹次于魚波

竟陵縣城西有甘魚波

公子棄疾為司馬先

除王宮使觀從從師于乾谿而遂告之

從乾谿之師告使叛靈王

且

曰先歸復所後者剝

剝截鼻

師及訾梁而潰

靈王還至訾梁而衆散

公子鐸莒羣公子也魯昭十四年秋八月莒著丘公卒

郊公不感

郊公著丘公子

國人弗順欲立著丘公之弟庶與

莒共

蒲餘侯惡公子意恢而善於庶與

蒲餘侯莒大夫茲夫也意恢莒

羣公

郊公惡公子鐸而善於意恢

鐸亦羣公子

公子鐸因蒲

餘侯而與之謀曰爾殺意恢我出君而殺庚與許之為

下

冬殺意恢傳

冬十二月蒲餘侯茲夫殺莒公子意恢郊公奔

齊公子鐸逆庚與於齊齊隰黨公子鉏送之有賂田

莒賂

齊以田

費無極為楚大夫朝吳之在蔡也無極欲去之乃謂之

曰王唯信子故處子於蔡子亦長矣而在下位辱必求

之吾助子請又謂其上之人曰王唯信吳故處諸蔡二

三子莫之如也而在其上亦難乎弗圖必及於難蔡

人逐朝吳朝吳出奔鄭

齊豹衛大夫魯昭公二十年秋盜殺衛侯之兄絜初衛

公孟絜狎齊豹

公孟靈公兄也齊豹齊惡之子為衛司冠狎輕也

奪之司冠與

鄆

鄆邑

有役則反之

絜足不良故有役則以官邑還豹使行

公孟惡北宮

喜褚師圃欲去之

喜貞子

公子朝通于襄夫人宣姜

宣姜靈公

嫡母懼而欲以作亂故齊豹北宮喜褚師圃公子朝作亂

初齊豹見宗魯于公孟

薦達也

為驂乘焉

為公孟驂乘

將作亂

而謂之曰公孟之不善子所知也勿與乘吾將殺之對

曰吾由子事公益子假吾名焉故不吾遠也

言子借我以善名故

公益親近我也

雖其不善吾亦知之抑以利故不能去是吾過

也今聞難而逃是僭子也

使子言不信也

子行事乎吾將死之

以周事之

周猶終竟也

而歸死於公益其可也丙辰衛侯在

平壽

平壽衛下邑

公益有事於蓋獲之門外

有事祭也蓋獲衛郭門

齊

子氏帷於門外而伏甲焉

齊豹之家

使祝鼂寘戈於車薪以

當門

要其前也

使一乘從公益以出

亦如前車寘戈於薪尋其後

使華齊

御公益宗魯駮乘及閔中

閔曲中

齊氏用戈擊公益宗魯



以背蔽之斷肱以中孟公之肩皆殺之齊氏之宰渠子

召北宮氏子北宮喜也北宮氏之宰不與聞謀殺渠子遂伐

齊氏滅之

公子城宋平公子也魯昭公二十年冬宋華亥向寧華

定出奔陳與君爭而出宋華向之亂公子城平公公孫忌樂

舍舍樂喜孫司馬彊向宜向鄭宜鄭皆戍子楚建建平王之太子邾甲

小邾穆出奔鄭八子宋大夫皆公黨辟難出奔其徒與華氏戰于鬼闕

八子之徒衆也潁川敗子城子城適晉子城為華氏所敗別走至晉為

明年子城以晉師至起本二十一年宋華亥向寧華定自陳入于宋

南里以叛自外至故曰入據其邑故曰叛南里宋城內里名初華費遂生華軀

華多僚華登軀為少司馬多僚為卿士公御與軀相惡

乃諧諸公曰軀將納亡人亡人華亥等亟言之公曰司馬以

吾故亡其良子司馬謂費遂良子謂華登死亡有命吾不可以再亡

之對曰君若愛司馬則如亡言若愛大司馬則當亡走失國死如可逃

何遠之有言亡可以逃死勿慮其遠以恐動公公懼使侍人召司馬之侍

人宜僚飲之酒而使告司馬告司馬使逐軀司馬歎曰必多僚

也吾有讒子而弗能殺吾又不死抑君有命可若何乃

與公謀逐華貙將使田益諸而遣之公飲之酒厚酬之

酬酒幣

賜及從者司馬亦如之

亦如張句尤之

張句華貙臣尤恠賜

厚曰必有故使子皮承宜僚以劍而訊之

子皮華貙訊問也

宜

僚盡以告以告欲因田張句欲殺多僚子皮曰司馬老矣

登之謂甚

言登亡傷司馬心已甚

吾又重之不如亡也五月丙申

子皮將見司馬而行則過多僚御司馬而朝張句不勝

其怒遂與子皮曰任鄭翩殺多僚

任翩亦叔

司馬以叛

而召亡人壬寅華向入樂大心豈行華控禦諸橫睢梁國陽

縣南有橫亭華氏居盧門以南里叛盧門宋東城南門六月庚午宋

城舊鄘及桑林之門而守之舊鄘故城也桑林城門名十一月癸未

公子城以晉師至

季孫魯卿也昭公二十一年夏晉士鞅來聘叔孫為政

叔孫昭子以三命為國政季孫欲惡諸晉憎叔孫在已上位使有司

以齊鮑國歸費之禮為士鞅鮑國歸費在十四年禮各如其命數魯人失禮故為鮑國

七士鞅怒曰鮑國之位下其國小而使鞅從其牢禮是

卑敝邑也將復諸寡君魯人恐加四牢焉為十一牢言

不能以禮事大國

季公嫗魯大夫昭公二十五年九月乙亥公孫于齊初

季公烏娶妻子齊鮑文子生申公烏季公亥之凡平子庶叔父公烏死

季公亥與公思展與公烏之臣申夜姑相其室公亥即公若也

展季氏族相治也及季妣與饗人擅通季妣公烏妻鮑文子女饗人食官而懼

乃使其妾扶已以示秦適之妻秦適魯大夫妻公烏妹秦姬也曰公若

欲使余余不可而扶余又訴于公甫公甫平子弟曰展與夜

姑將要余

以要劫我非禮

秦姬以告公之

公之亦平子弟

公之與公甫

告平子平子拘展於下而執夜姑將殺之公若泣而哀

之曰殺是是殺余也將為之請平子使豎勿內日中不

得請有司逆命

執夜姑之有司欲迎受殺生之命

公之使速殺之故公

若怨平子季郈之鷄鬪

季平子郈昭伯二家相近故鷄鬪

季氏介其鷄

擣芥子播其羽也或以膠沙播之為介鷄

郈氏為之金鉅平子怒怒其不下也

益宮於郈氏

以侵郈氏室

且讓之

讓責也

故郈昭伯亦怨平

子臧昭伯之從弟會

昭伯臧為子

為讒於臧氏而逃於季氏

臧氏執旃平子怒拘臧氏老將禘於襄公萬者二人其

衆萬於季氏

禘祭也萬舞也於禮公當三十六人

臧孫曰此之謂不能庸

先君之廟

不能用禮也蓋襄公別立廟

大夫遂怨平子公若獻弓於

公為

公為昭公子務人

且與之出射于外而謀去季氏公為告

公果公賁

果賁皆公為弟

公果公賁使寺人僚袒告公公寢將

以戈擊之乃走公曰執之亦無命也

獨言執之無勅命

懼而不

出數月不見公不怒又使言公執戈以懼之乃走又使

言公曰非小人之所及也

謂僚袒為小人

公果自言公以告臧

孫臧孫以難

言難逐

告邠孫邠孫以可勸告子家懿伯家

羈莊公之立孫

懿伯曰讒人以君徼幸事若不克君受其名惡

名不可為也舍民數世以求克事不可必也且政在焉

其難圖也公退之

退使去

辭曰臣與聞命矣言若洩臣不

獲死乃館於公

恐受洩命之罪故留公宮以自明

叔孫昭子如闕

闕魯邑

公居於長府

名官府

九月戊戌伐季氏殺公之于門遂入之

平子登臺而請曰君不察臣之罪使有司討臣以干戈

臣請待於沂上以察罪弗許

魯城南自有沂水平子欲出城待罪也大沂水出蓋



縣南至下  
邳入泗

請囚于費弗許請以五乘亡弗許子家子曰

君其許之政自之出久矣隱民多取食焉

隱約窮困

為之徒

者衆矣日入慝作弗可知也

慝姦惡也日冥姦人將起叛君助季氏不可知衆

將

怒不可蓄也

季氏衆

蓄而弗治將溘

溘積也

溘蓄民將生心

生心同求將合

與季氏同求叛君者

君必悔之弗聽邠孫曰必殺

之公使邠孫逆孟懿子

懿子仲孫何忌

叔孫氏之司馬駿戾言

於其衆曰若之何莫對

衆疑所助

又曰我家臣也不敢知國

凡有季氏與無於我孰利皆曰無季氏是無叔孫氏也

駸戾曰然則救諸帥徒以往陷西北隅以入圍公公徒

釋甲執冰而踞

言無戰心也冰積丸蓋或云積丸是箭筒其蓋可以取飲

遂逐之公

徒孟氏使登西北隅以望季氏見叔孫氏之旌以告孟

氏執郈昭伯殺之于南門之西遂伐公徒子家子曰諸

臣偽劫君者而負罪以出君止

使若非君本意君自可止不出

意如之

事君也不敢不改

意如李平子名

公曰余不忍也與臧孫如墓

謀

辭先君且謀所奔

遂行己亥公孫于齊次于陽州齊侯將唁

公于平陰公先至于野并齊侯曰寡人之罪也使有司

待於平陰為近故也

齊侯自咎本不勅有司遠詣陽州而欲近會于平陰故令魯侯過其

先至野井遠見迎

自咎以謝公書曰公孫于齊次于陽州齊侯唁公

于野井禮也將求于人則下之禮之善物也

物事也謂先往至野

井齊侯曰自莒疆以西請致千社

二十五家為社千社二萬五千家欲以給

公以待公命

待君伐李氏之命

寡人將帥敝賦以從執事唯命

是聽君之憂寡人之憂也公喜子家子曰天祿不再天

若昨君不過周公以魯足矣夫魯而以千社為臣誰與

之立

為齊臣

且齊君無信不如早之晉弗從臧昭伯率從

者將盟載書曰戮力一心好惡同之信罪之有無也

信明處

者有罪從者無罪

繾繾從公無通內外

繾繾不離散

以公命示子家

子子家子曰如此吾不可以盟羈也不佞不能與二三

子同心而以為皆有罪

從者陷若留者逐若皆有罪也

或欲通外內且

欲去君二三子好亡而惡定焉可同也陷君於難罪孰

大焉通外內而去君君將速入弗通何為而何守焉乃

不與盟

何必守公

昭子自闕歸見平子平子稽顙曰子若我

何昭子曰人誰不死子以逐君成名子孫不忘不亦傷

乎將若子何平子曰苟使意如得改事君所謂生死而

肉骨也昭子從公于齊與公言子家子命適公館者執

之恐從者知叔孫謀公與昭子言於幄內曰將安衆而納公昭子

請歸安衆公徒將殺昭子伏諸道伏兵左師展告公公使昭子

自鑄歸辟伏兵平子有異志不欲復納公冬十月辛酉昭子齊

於其寢使祝宗祈死戊辰卒恥為平子所欺因祈而自殺左師展將

以公乘馬而歸公徒執之展魯大夫欲與公俱輕歸

夷射姑邾大夫也魯定公二年冬邾莊公與夷射姑飲

酒私出

出辟酒

閻乞肉焉奪之杖以敲之

奪閻杖以敲閻頭也為明年邾

傳卒三年春二月辛卯邾子在門臺

門上臨廷閻以鉶水

沃廷邾子望見之怒閻曰夷射姑旋焉

旋小命執之見

不潔執射姑

弗得滋怒自投于牀廢于鑪炭爛遂卒廢墮也先

葬以車五乘殉五人

欲藏中之潔故先內車及殉別為便房蓋其遺命

莊公卞

急而好潔故及是

卞疾也

仲梁懷魯大夫定公五年夏季平子卒既葬桓子行東

野桓子意如子季孫斯及費子洩為費宰逆勞于郊桓子敬之勞

仲梁懷仲梁懷弗敬

懷時從桓子  
行輕慢子洩

子洩怒謂陽虎子行

之乎

行遜也

秋陽虎囚季桓子

叔孫成子魯大夫定公十年夏叔孫州仇仲孫何忌帥

師圍郕

郕叔孫氏邑

秋叔孫州仇仲孫何忌帥師圍郕初叔

孫成子欲立武叔公若藐固諫曰不可

藐叔孫氏之族

成子立

之而卒公南使賊射之不能殺

公南叔孫家臣武叔之黨

公南為馬

正使公若為郕宰武叔既定使郕馬正侯犯殺公若弗

能其圍人曰

武叔之國人

吾以劔過朝公若必曰誰之劔也

吾稱子以告必觀之吾偽固而授之末則可殺也

偽為固陋

不知禮者以劍鋒未授之

使如之公若曰爾欲吳王我乎

見劍向已逆呵之鱗

諸殺吳王亦用劍刺之

遂殺公若侯犯以郈叛

犯以不能副武叔之命故叛叛而以

國告廟故書國

武叔懿子圍郈弗克秋二子及齊師復圍郈弗

克叔孫謂郈工師馮赤

工師掌工匠之官

曰郈非唯叔孫之憂

社稷之患也將若之何對曰臣之業在揚水卒章之四

言矣

揚水詩唐風卒章四言曰我聞有命

叔孫稽首

謝其受已命

馮赤謂侯犯

曰居齊魯之際而無事必不可矣

無所復事子盍求事於齊



以臨民不然將叛侯犯從之齊使至駟赤與郈人為之

宣言於郈中

詐為齊使言也

曰侯犯將以郈易於齊齊人將遷

郈民

謂易其民人

衆堯懼

不欲遷

駟赤謂侯犯曰衆言異矣與

始同子不如易於齊與其死也猶是郈也而得紓焉何必

此

言以郈民易取齊人與郈無異勝于守郈為叛人所殺

齊人欲以此徇魯必倍

與子地

言非徒得民又將得齊地

且盍多舍甲於子之門以備不虞

侯犯曰諾乃多舍甲焉侯犯請易於齊齊有司觀郈將

至駟赤使周走呼曰齊師至矣郈人大駭介侯犯之門

甲以圍侯犯駟赤將射之

偽為侯犯射侯人

侯犯止之曰謀免

我侯犯請行許之

許之侯人

駟赤先如宿

宿東平無鹽縣故宿國

侯犯

殿每出一門邠人閉之

後閉其門

及郭門止之曰子以叔孫

氏之甲出有司若誅之

誅責也

羣臣懼死駟赤曰叔孫氏

之甲有物吾未敢以出

物識也赤還救侯犯也

犯謂駟赤曰子止

而與之數

數甲以相付

駟赤止而納魯人侯犯奔齊齊乃致

邠

致其名簿

趙鞅晉大夫魯定公十三年春齊侯衛侯次于垂葭使

師伐晉鞅謂邯鄲午曰歸我衛貢五百家吾舍諸晉陽

午許諾

十年趙鞅圍衛衛人懼貢五百家鞅置之邯鄲今欲徙諸晉陽晉陽趙鞅邑

歸告其

父兄父兄皆曰不可衛是以為邯鄲

言衛以五百家在邯鄲嘗為是故與

邯鄲而真諸晉陽絕衛之道也不如侵齊而謀之

則齊

當來報欲因懼齊而徒則衛與邯鄲好不絕

乃如之而歸之于晉陽

欲如是謀而後

歸之

趙孟怒召午而因諸晉陽

趙鞅不容其謀謂午不用命故囚之

使其

從者說劔而入涉賓不可

涉賓午家臣不肯說劔入欲謀叛

乃使告邯

鄲人曰吾私有討於午也二三子唯所欲立

午趙鞅同族別封邯

鄆故使邯鄲人更立午宗族遂殺午趙稷涉賓以邯鄲叛

范臯夷晉大夫魯定公十三年夏六月上軍司馬籍秦

圍邯鄲秋七月范氏中行氏伐趙氏之宮趙鞅奔晉陽

晉人圍之范臯夷無寵於范吉射而欲為亂於范氏臯夷

范氏側室子梁嬰父嬖於知文子文子文子欲以為卿韓簡

子與中行文子相惡簡子韓起孫不信也魏襄子亦與

范昭子相惡襄子魏舒孫曼多也昭子范吉射故五子謀五子范臯夷

子韓簡子將逐荀寅而以梁嬰父代之逐范吉射而以

范臯夷代之荀躒言於晉侯曰君命大臣始禍者死載

書在河

為盟書沈之河

今三臣始禍而獨逐鞅刑已不鈞矣請

皆逐之

武子賸鄭大夫魯哀公九年春武子賸之嬖許瑕求邑

無以與之

賸罕達也瑕武子之屬

請外取許之

瑕請取於他國

故圍宋雍

丘宗皇瑗圍鄭師

許瑕師

每日遷舍

作壘漸成輒徙舍合其圍

壘合鄭

師哭子姚救之大敗

子姚武子賸也

二月甲戌宋敗鄭師于雍

丘使有能者無死

惜其能也

以邾張與鄭羅歸

鄭之有能者

闕止齊大夫魯哀公十四年齊人弑其君壬于舒州初

齊簡公之在魯也闕止有寵焉

簡公悼公陽生子士也闕止子我也事在六年

及即位使為政陳成子憚之驟顧諸朝

成子陳常心不諸安故數顧之

御鞅言於公曰陳闕不可並也君其擇焉

擇用一人弗聽

皇瑗宋右師也魯哀公十七年冬皇瑗奔晉皇瑗之子

麋有友曰田丙而奪其兄鄭般邑以與之鄭般愠而行

告桓司馬之臣子儀克

克在下邑不與之亂故在

子儀克適宋告

夫人曰麋將納桓氏公問諸子仲

子仲皇野

初子仲將以杞

如之子非我為子

為適子祀如子仲妻

麋曰必立伯也

伯非是良

材子仲怒弗從故對曰右師老矣不識麋也

言右師老不能為亂

麋則不可知

公執之

麋皇瑗奔晉召之

召令還

十八年春宋殺

皇瑗公聞其情復皇氏之族使皇緩為右師

言宋景公無常也緩

瑗從子

孟武伯魯大夫哀公二十五年六月公至自越

前年行今還

季康子孟武伯逆於五梧

魯南鄙也

郭重僕

為公御車

見二子曰

惡言多矣君請盡之

二子不臣之欲使公盡極以觀之

公宴于五梧

武伯為祝

祝上壽酒

惡郭重曰何肥也

其貌毀

季孫曰請飲斝

飲罰之以魯國之密邇仇讐臣是以不獲從君克免於大

行又謂重也肥

言重隨君遠行幼勞不宜稱肥

公曰是食言多矣能無

肥乎

以激三桓之數食言

飲酒不樂公與大夫始有惡

智伯晉卿與趙韓魏共攻出公出公奔齊道死智伯乃

立昭公曾孫驕是為晉懿公智伯益驕請地韓魏韓魏

與之請地趙趙不與以其圍鄭之辱智伯怒遂率韓魏

攻趙趙襄子懼乃奔保晉陽晉出公十一年智伯伐鄭



趙簡子疾使太子毋卹將而圍鄭智伯醉以酒灌擊毋卹毋卹羣臣請死之母卹曰君所以置毋卹為能忍諾然亦愠智伯智伯歸因謂簡子使廢毋卹簡子不聽毋卹由此怨智伯

田乞齊大夫安孺子元年春田乞偽事高國者每朝乞參乘言曰子得君大夫皆自危欲謀作亂又謂諸大夫曰高昭子可畏也及未發先之大夫從之六月田乞鮑牧乃與大夫以兵入公宮攻高昭子昭子聞之與國患

子救公公師敗田乞之從追之曰國惠子奔莒遂反殺

高昭子晏圍奔魯

圍晏嬰之子

公孫閱齊大夫始成侯駒忌與田忌不善公孫閱謂成侯忌曰公何不謀伐魏田忌必將戰勝有功則公之謀中也戰不勝非前死則後北而命在公矣於是成侯言威王使田忌南之襄陵十月邯鄲拔齊因起兵擊魏大敗之桂陵於是齊最強於諸侯自稱為王以今天下三十三年殺其大夫牟辛一作夫三十五年公孫閱又謂成

侯忌曰公何不令人操十金卜於市曰我田忌之人也  
吾三戰而三勝聲威天下欲為大事亦吉乎不吉乎卜  
者出因令人捕為之卜者驗其辭于王之所田忌聞之  
因遂率其徒襲攻臨淄求成侯不勝而奔


李園趙人事楚始楚考烈王無子春申君患之求婦人  
宜子者進之甚衆卒無子趙人李園持其女弟欲進之  
楚王聞其不宜子恐久毋寵李園求事春申君為舍人  
已而謁歸故失期還謁春申君問之狀對曰齊王使使

求臣之女弟與其使者飲故失期春申君曰媵入乎對曰未也春申君曰可得見乎曰可於是李園乃進其女弟即幸於春申君知其有身李園乃與其女弟謀女弟承間以說春申君曰楚王之貴幸君雖兄弟不如也今君相楚二十餘年而王無子即百歲後將更立兄弟則楚更立君後亦各貴其故所親君又安得長有寵乎非徒然也君貴用事多多失禮於王兄弟兄弟誠立禍且及身何以保相印江東之封乎今妾自知有身矣而人

莫之知妾幸君未久誠以君之重而進妾於楚王必幸  
妾妾賴天有子男則是君之子為王也楚國豈可得孰  
與身臨不測之罪乎春申君大然之乃出李園女弟謹  
舍而言之楚王楚王召入幸之遂生子男立為太子以  
李園女弟為王后楚王貴李園園用事李園既入其女  
弟立為王后子為太子恐春申君語泄而益驕陰養死  
士欲殺春申君以滅口而國人頗有知之者春申君相  
二十五年楚考烈王病朱英謂春申君曰世有無妄之

福又有無妄之禍今君處無妄之世事無妄之王安可  
以無無妄之人乎春申君曰何謂無妄之福曰君相楚  
二十餘年矣雖名相國實楚王也今楚王病旦暮且卒  
卒而君相少主因而代立當國如伊尹周公王長而反  
政不即遂南面稱孤而有楚國此所謂無妄之福也春  
申君曰何謂無妄之禍曰李園不治國而君之仇也不  
為兵而養死士之日久矣楚王卒李園必先入據權而  
殺君以滅口此所謂無妄之禍也春申君曰何謂無妄

之人對曰君置臣郎中楚王卒李園必先入臣為君殺  
李園此所謂無妄之人也春申君曰足下置之李園弱  
人也僕又善之且又何至此朱英知言不用恐禍及身乃  
亡去後十七日楚考烈王卒李園果先入伏死士於棘  
門之內春申君入棘門園死士俠刺春申君斬其頭投  
之棘門外於是遂使吏盡滅春申君之家而李園女弟  
初幸春申君有身而入之王所生子者遂立是為楚幽  
王



冊府元龜卷七百四十九